

ԳԵՂԱՄԱ

«ԶԽԱՐԸ»

Քաղաքական, հասարակական, մշակութային թերթ 19 հունիսի 2026թ. թիվ 13 (641)

ՀՀ ԱԶԳԱՅԻՆ ԺՈՂՈՎԻ 2026 ԹՎԱԿԱՆԻ ՀՈՒՆԻՍԻ 7-Ի ԸՆՏՐՈՒԹՅՈՒՆՆԵՐԻ ԱՄՓՈԹԻՋ ԱՐԴՅՈՒՆՔՆԵՐԸ



ՀՀ Կենտրոնական ընտրական հանձնաժողովը հունիսի 14-ի արտահերթ նիստում, ԱԺ 2026 թվականի հունիսի 7-ի հերթական ընտրությունների քվեարկության օրվանից հետո՝ 7-րդ օրը, հիմք ընդունելով ընտրական տեղամասերում քվեարկության արդյունքների վերաբերյալ արձանագրությունները, վերահաշվարկի արդյունքները, քվեարկության արդյունքների վերաբերյալ ընդունած որոշումները, կազմել է արձանագրություն քվեարկության արդյունքների վերաբերյալ:

Ընտրողների ցուցակներում ընդգրկված ընտրողների ընդհանուր թիվը՝ 2503990: Քվեարկության օրն ընտրական տեղամասում կազմված ընտրողների լրացուցիչ ցուցակում ընտրողների ընդհանուր թիվը՝ 1237:

Շրջիկ արկղով քվեարկող ընտրողների լրացուցիչ ցուցակում ընտրողների ընդհանուր թիվը՝ 1300:

Էլեկտրոնային եղանակով քվեարկության մասնակցած ընտրողների թիվը՝ 410:

Ընտրողների ընդհանուր թիվը՝ 2506826:

Քվեարկության մասնակիցների ընդհանուր թիվը՝ 1476769:

Տեղամասային ընտրական հանձնաժողովներին հատկացված ինքնասուսնավող դրոշմանիշների ընդհանուր թիվը՝ 260510:

Տեղամասային ընտրական հանձնաժողովներին հատկացված համարակալված կտրոնների ընդհանուր թիվը՝ 204000:

Ընտրողներից ստացված տեխնիկական սարքավորմամբ տպված կտրոնների ընդհանուր թիվը՝ 1470790:

Ընտրողներից ստացված համարակալված քվեարկության կտրոնների ընդհանուր թիվը՝ 2298:

Ընտրողներից ստացված կտրոնների ընդհանուր թի-

վը՝ 1473088:

Չօգտագործված համարակալված կտրոնների ընդհանուր թիվը՝ 202121:

Չօգտագործված ինքնասուսնավող դրոշմանիշների ընդհանուր թիվը՝ 1127734:

Անվավեր քվեաթերթիկների թիվը՝ 16210:

Կուսակցությունների, կուսակցությունների դաշինքների ստացած քվեները՝

ՌԵՖՈՐՄԻՍՏՆԵՐԻ ԿՈՒՍԱԿՑՈՒԹՅՈՒՆ՝ 1425

«ԲՈՂՈՐԻՆ ԴԵՄ ԵՄ» ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆ՝ 21181

«ՈՒԺԵՂ ՀԱՅԱՍՏԱՆ» ԴԱՇԻՆՔ՝ 340006

ՀԱՅԱՍՏԱՆԻ ՇՆՈՐՀԱՊԵՏԱԿԱՆ ԿՈՒՍԱԿՑՈՒԹՅՈՒՆ՝ 30642

«ՆՈՐ ՈՒԺ» ՌԵՖՈՐՄԻՍՏԱԿԱՆ ԿՈՒՍԱԿՑՈՒԹՅՈՒՆ՝ 25551

«ՄԻԱՍՆՈՒԹՅԱՆ ԹԵՎԵՐ» ԿՈՒՍԱԿՑՈՒԹՅՈՒՆ՝ 33537

«ԲԱՐՁՐԱԿԱՆ ՀԱՅԱՍՏԱՆ» ԿՈՒՍԱԿՑՈՒԹՅՈՒՆ՝ 58287

«ԱԶԳԱՅԻՆ ԺՈՂՈՎՐԴԱՎԱՐԱԿԱՆ ԲԵՎԵՌ» ՀԱՄԱՀԱՅԿԱԿԱՆ ԿՈՒՍԱԿՑՈՒԹՅՈՒՆ՝ 5481

ՔՈԶԱՐԻ ԱԶԳԱՅԻՆ ՎԵՐԱԾՆՈՒՆԴ ԵՎ ԱԶԳԻ ԶԱՐԹՈՆՔ ԿՈՒՍԱԿՑՈՒԹՅՈՒՆ՝ 1986

ՀԱՅ ԱԶԳԱՅԻՆ ԿՈՆԳՐԵՍ ԿՈՒՍԱԿՑՈՒԹՅՈՒՆ՝ 3143

«ՀԱՆՐԱՊԵՏՈՒԹՅՈՒՆ» ԿՈՒՍԱԿՑՈՒԹՅՈՒՆ՝ 15808

ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆ՝ 2671

«ԺՈՂՈՎՐԴԱՎԱՐԱԿԱՆ ՀԱՍԱԽՄԲՈՒՄ» ԿՈՒՍԱԿՑՈՒԹՅՈՒՆ՝ 5269

ԴԵՄՈԿՐԱՏԻԱ ՕՐԵՆՔ ԿԱՐԳԱՊԱՅՈՒԹՅՈՒՆ ԿՈՒՍԱԿՑՈՒԹՅՈՒՆ՝ 25758

«ՔԱՂԱՔԱՅԻԱԿԱՆ ՊԱՅՄԱՆԱԳԻՐ» ԿՈՒՍԱԿՑՈՒԹՅՈՒՆ՝ 726819

ՀԱՅԱՍՏԱՆ ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔ ԿԱԶմում՝ ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹՅՈՒՆ՝ ԿՈՒՍԱԿՑՈՒԹՅՈՒՆ, «ԱՌԱՋ» ԱԶԱԿԵՆՏՐՈՆ ԿՈՒՍԱԿՑՈՒԹՅՈՒՆ՝ 144983

ՀԱՆՈՒՆ ՀԱՆՐԱՊԵՏՈՒԹՅԱՆ ԺՈՂՈՎՐԴԱՎԱՐՈՒԹՅԱՆ ՊԱՇՏՊԱՆՆԵՐԻ ԴԱՇԻՆՔԵ ԿՈՒՍԱԿՑՈՒԹՅՈՒՆ՝ 6754

«ԼՈՒՍԱՎՈՐ ՀԱՅԱՍՏԱՆ» ԿՈՒՍԱԿՑՈՒԹՅՈՒՆ՝ 7439

Անճշտությունների գումարային չափը՝ 4331:

ԿԸՀ-ն ԲՀԿ-ի դիմաց հաշվեց 3.893 տոկոսը՝ փաստացի ճշելով, որ այն չի մտնում ԱԺ: Իսկ, համաձայն ԿԸՀ ամփոփիչ արդյունքների, ԱԺ մտնում են քաղաքական 3 ուժ՝ «Քաղաքացիական պայմանագիր» կուսակցությունը՝ տրված ընդհանուր քվեների 49,745 տոկոսով, «Ուժեղ Հայաստան» դաշինքը՝ 23,271 տոկոսով եւ «Հայաստան» դաշինքը՝ 9,923 տոկոսով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

ՀՀ ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՄԱՐԿՍՅԱՆԻ ՈՒՂԵՐԶԸ ՄԱՐԶԻ ԲՆԱԳՉՈՒԹՅԱՆԸ



Սիրելի՛ գեղարքունիքցիներ, սիրելի՛ հայրենակիցներ՝

Այսօր ցանկանում եմ ասել ընդամենը մեկ բառ՝ շնորհակալություն:

Շնորհակալություն բոլոր նրանց, ովքեր իրենց քվեով, վստահությամբ եւ աջակցությամբ տեր կանգնեցին Հայաստանի Հանրապետությանը, նրա անկախությանը, պետականությանը եւ խաղաղ ապագային:

Այս արդյունքը ցույց տվեց, որ Հայաստանի Հանրապետության հպարտ, արժանապատիվ եւ պետականատեր քաղաքացին գիտակցում է իր պատասխանատվությունը պետության հանդեպ եւ իր ընտրությանը մասնակցում է երկրի ապագայի կերտմանը:

Սա վստահության քվե էր հանուն խաղաղության, կայունության եւ զարգացման:

Այս հաղթանակը պարտավորեցնող է: Այն մեզ կոչ է անում՝ ավելի մեծ պատասխանատվությամբ աշխատել, ավելի հետեւողական լինել եւ շարունակել ծառայել մեր պետությանն ու ժողովրդին:

Առաջ դեպի նոր հաջողություններ, ավելի ուժեղ համայնքներ եւ ավելի հզոր Հայաստան:

Փառք մեր նահատակներին, եւ կեցցե՛ Հայաստանի Հանրապետությունը:

ԳԹԱՇՆԻ ԱՎԵՐԱԿՆԵՐԻ ԳԵՂԱՏԵՍԻԼ ԽԱՉՔԱՐԵՐԸ

Գթաշեն գյուղի ավերակները տարածվում են Գեղարքունիքի մարզի Վարդենիս համայնքի Մաքենիս, Լճավան եւ Կարճաղբյուր գյուղերի արանքում, Մաքենիսից 4 կիլոմետր դեպի արեւմուտք ընկած հատվածում:

Այս գյուղի ոչ միայն անունն է մոռացված շատ վաղուց, այլ նաեւ տեղանքն է շատերի համար խսպառ անհայտ, քանի որ տների ավերակներն անգամ սովորական աչքի համար հազիվ կարող են ճանաչվել: Փոխարենը շատ հստակ ու վեհորեն երեւում են ավերակ եկեղեցու շուրջ սփռված մի քանի տասնյակի հասնող խաչքար-տապանաքարերը, որոնք հանդիսանում են որպես արվեստի հրաշալի կոթողներ ու պատմամշակութային արժեքներ, հայ ժողովրդի ապրած կյանքի ու պատմության լռիմ, սակայն շատ խոսուն վկաներ:

Գթաշենը շատ մոտ է գտնվում Մաքենիսի հռչակավոր վանքին, որը եղել է միջնադարյան Հայաստանի ամենամշակավոր հոգեւոր ու կրթական կենտրոններից մեկը: Այն հեռու չէ նաեւ մեկ այլ հայտնի հոգեւոր կենտրոններից մեկից՝ Մարտունի համայնքի Արծվանիստ գյուղում գտնվող Վանեվան վանական համալիրից:

Դժվար է նաեւ եզրակացնել, թե որ դարաշրջանից է սկսվել Գթաշենի պատմությունը, քանի որ ողջ տարածքը, բնակիչների կողմից վերջնականորեն լքվելուց հետո, 17-18-րդ դարերի ընթացքում,

ամբողջովին վերածվել է արտերի ու խոտհարքերի: Իսկ որ ամենագլխավորն է, այստեղ մինչ օրս չի արվել հնագիտական որեւէ ուսումնասիրություն, որով կարող էր հաստատվել այս գյուղի սկզբնավորման հստակ ժամանակագրությունը:

Մի բան է միայն հաստատ, որ Գթաշենը տեղավորված է պատմական այնպիսի տարածքում, ուր անհիշելի ժամանակներից բնակվել են մարդիկ՝ զարգացնելով անասնապահությունը, երկրագործությունը, մետաղամշակումը, արհեստները:

Գթաշենը մոտ է գտնվում նաեւ Ծովակի Կիկլոպյան հզոր ամրոցին, որտեղ ժամանակին արձանագրություն է թողել Ուրարտուի արքա Սարգուր Երկրորդը: Այն շատ մոտ է տեղակայված նաեւ Կարճաղբյուրի «Քարե Դուռ» կիկլոպյան ամրոցին, որը կառուցվել է Ք.Ա. 2-րդ հազարամյակի վերջում: Ծովինարի Օձաբերդը եւս, որը կառուցվել կամ վերակառուցվել է Ուրարտուի արքա Ռուսա Առաջինի կողմից, ընդամենը մի քանի կիլոմետր է հեռու տեղակայված Գթաշենից՝

Հարունակությունը՝ էջ 3-ում/



ԱՐՏԱՍԱՀՄԱՆՅԻ ԶԲՈՍԱՇՐՋԻԿՆԵՐԸ ՏՊԱՎՈՐՎԱԾ ԵՆ ՀԵՌԱՅԵԼ ԶՈՒԱՔԱՐ ԳՅՈՒՂՆԵՐ

Գեղարքունիքի մարզի Մարտունի համայնքի Ջուլաքար գյուղն վերջերս հյուրընկալել է արտասահմանյան 11 երկրների ներկայացնող զբոսաշրջիկների, ովքեր բավականին հագեցած օր են անցկացրել Ջուլաքարի պատմամշակութային հուշարձանների տարածքներում, կրթամշակութային օջախներում, ինչպես նաև՝ «Իրիցու տուն» հացատուն-թանգարանում:

Ինչպես տեղեկացրին Մարտունու համայնքապետարանի աշխատակազմից, զբոսաշրջիկների այցի նպատակն էր ծանոթանալ Մարտունի համայնքի ազգային մշակույթին:

Նրանց առավել տպավորել է «Իրիցու տուն» հացատուն-թանգարանը, որտեղ պահվում են մի քանի դարի վաղեմության գյուղատնտեսական գործիքներ ու կենցաղային իրեր, հազա-



րաշեն տուն, թոնիր, ձիթահանի քար, մշակութային այլ արժեքներ, որոնք հյուրերին ներկայացրել է հացատուն-թանգարանի տնօրեն, պարուսույց, Ջուլաքարի մշակույթի կենտրոնի աշխատակից Մխիթար Հարությունյանը:

Այնուհետ Ջուլաքարի մշակույթի կենտրոնում Մխիթար Հարությունյանի կողմից անցկացվել է վարպետաց դաս՝ հայ ազգային պարերի ցուցադրմամբ:

«Զբոսաշրջիկները, ոգետրված բնակիչների ջերմ ընդունելությունից ու պարախմբերի, դիվահարների ելույթներից, սովորել են պարել զուլաքարցիներին հարազատ «Ալաշկերտի Քոչարին»։ Նրանք հետեւում էին պարուսույցի հրահանգներին եւ փորձում յուրացնել հայկական պարի ռիթմերն ու շարժումները, ներկայացրեց Մխիթար Հարությունյանը:

«Գեղամա աշխարհ»

ՎԵՐԱՆՈՐԴՎՈՒՄ Է ՎԱՀԱՆ ԳՅՈՒՂՆԵՐ ՄԻՋՆԱԿԱՐԳ ԴՊՐՈՑԻ ՇԵՆՔԸ

Գեղարքունիքի մարզի ճամբարակ համայնքի Վահան գյուղի միջնակարգ դպրոցի շենքի վերանորոգման աշխատանքների մեկնարկը տրվել է Հայաստանի տարածքային զարգացման հիմնադրամի պատվիրատվությամբ, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, 2026 թվականի մայիսի 20-ից:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Վահանի միջնակարգ դպրոցի վերանորոգման ծրագրի պայմանագրային արժեքը կազմում է 320 միլիոն դրամ, որն ամբողջությամբ հատկացվում է պետբյուջեի միջոցներից:

Ծրագրով նախատեսված է դպրոցի շենքի տանիքի, հատակի, աստիճանների, մարզադահլիճի եւ նիստերի դահլիճի վերանորոգում՝ ջեռուցման համակարգի անցկացմամբ, նոր պատուհանների եւ դռների տեղադրում, պատերի ներքին ու արտաքին հար-



դարում, դպրոցի բակային տարածքի ասֆալտապատում, նոր ֆուտբոլի դաշտի կառուցում ու ցանկապատում, սանհանգույցների, էներգամատակարարման համակարգի նորացում, այլ աշխատանքներ: Շինարարական աշխատանքները նախատեսվում է ավարտել 2026 թվականի ընթացքում:

Մեր դպրոցի շենքը մասնակիորեն նորոգվել է 2005-2006 թվականներին, սակայն արմատական լուծում չի տրվել վերանորոգման հետ կապված շատ խնդիրների: Այս ծրագրով մեր դպրոցը վերջապես կունենա արդի չափորոշիչներին համապատասխանող բոլոր պայմանները, հիմնովին կփոխվի կրթական միջավայրը, կավելանա ուսման հանդեպ ձգտումը, սահմանափակված մեր գյուղում մարդիկ ավելի հույսով ու ավելի ամուր կկապվեն իրենց հարազատ բնօրրանին, նշեց Վահանի միջնակարգ դպրոցի տնօրեն Լիաննա Մարտիրոսյանը:

2025-2026 ուստարում Վահանի միջնակարգ դպրոց է հաճախել 115 աշակերտ:

«Գեղամա աշխարհ»

ՀԱՄԱՐԱՐԱԿ ՀԱՄԱՅՆՔԻ ԹԹՈՒՋՈՒՐ ԲՆԱԿԱՎԱՅՐՈՒՄ «ՄԱՆԱԿԱՅԻՆ ԲՅՈՒՋԵՏՆԱՎՈՐՈՒՄ-2026» ԾՐԱԳՐՈՎ ԲՆԱԿԱՎԱՅՐՈՒՄԻ ՄԱՐԶԱՀԱՐԱՐԱԿ ԵՎ ԶԲՈՍԱՇՐԺԻ ԿԿԱՌՈՒՅՎԵԼ



Գեղարքունիքի մարզի ճամբարակ համայնքի Թթուջուր բնակավայրում «Մասնակցային բյուջետավորում-2026» ծրագրի շրջանակներում կկառուցվի բազմաֆունկցիոնալ մարզահրապարակ, զբոսայգի եւ բացօթյա բեմ:

Ինչպես տեղեկացրին ճամբարակի համայնքապետարանի աշխատակազմից, Թթուջուր գյուղի բազմաֆունկցիոնալ մարզահրապարակի եւ զբոսայգու կառուցման ծրագրի ընդհանուր արժեքը կազմում է

շուրջ 60 միլիոն դրամ, որից 30 միլիոն դրամը հատկացնելու է ՀՀ կառավարությունը, 30 միլիոն դրամը՝ ճամբարակի համայնքապետարանը:

Բազմաֆունկցիոնալ մարզահրապարակը եւ զբոսայգին կառուցվելու են Թթուջրի կենտրոնական հատվածում, մոտավոր մշակույթի տան դիմացի տարածքում:

Ծրագրի իրականացման արդյունքում Թթուջրի երեխաները կունենան ժամանակակից մարզահրապարակ, մարզվելու, ժամանցի ու միջոցառումների անցկացման հնարավորություն:

Այժմ նախագիծը գտնվում է փորձաքննության փուլում, որի ավարտից հետո, ամենայն հավանականությամբ այս ամսի ընթացքում, կհայտարարվի շինարարության մրցույթ, որի արդյունքների ամփոփումից հետո կտրվի շինարարական աշխատանքների մեկնարկը, տեղեկացրին ճամբարակի համայնքապետարանի աշխատակազմից:

«Գեղամա աշխարհ»

ՓՈՐ ՄԱՍՐԻԿՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 8 ԾՐԱԳԻՐ Է ԻՐԱԿԱՆԱՅՎԵԼ

Գեղարքունիքի մարզի Վարդենիս համայնքի Փոքր Մասրիկ գյուղում սուբվենցիոն եւ պետական ծրագրերի շրջանակներում 2018-2025 թվականների ընթացքում սոցիալ-տնտեսական եւ կենսական նշանակության 8 ծրագիր է իրականացվել, որոնց ուղղությամբ կատարված կապիտալ ներդրումները կազմել են 1 միլիարդ 928 միլիոն 510 հազար դրամ:

Իրականացված ծրագրերից 6-ը սուբվենցիոն են՝ 194 միլիոն 754 հազար դրամ ընդհանուր արժեքով, 2-ը՝ պետական՝ 1 միլիարդ 733 միլիոն 756 հազար դրամ արժեքով:

Իրականացված ծրագրերի արդյունքում Փոքր Մասրիկում 2018-2025 թվականների ընթացքում կառուցվել է 12300 մետր խմելու ջրի ներքին ու արտաքին ցանց, 2600 մետր ոռոգման ցանց, 1500 մետր արտաքին լուսավորության ցանց, հիմնանորոգվել խմելու ջրի կարգավորիչ ջրամբարը, 1 խորքային հոր, 4200 մետր հանրապետական ու ներհամայնքային նշանակության ճանապարհ, ընթացքի մեջ են կրթահամալիրի կառուցման աշխատանքները:

Շողակաթ-Վարդենիս հանրապետական նշանակության ճանապարհի Փոքր Մասրիկի հատվածը, 4300 գծամետր երկաթուղային, միջին նորոգման է ենթարկվել պետական ծրագրի շրջանակներում, 2025



թվականին, շուրջ 200 միլիոն դրամ արժեքով:

Փոքր Մասրիկի կրթահամալիրը կառուցվում է ՀՀ կառավարության կողմից իրականացվող սուբվենցիոն ծրագրերի շրջանակներում, 1 միլիարդ 533 միլիոն 756 հազար դրամ արժեքով:

Շինարարական աշխատանքները մեկնարկել են 2024 թվականի դեկտեմբերից եւ 2026 թվականի հունիսի 9-ի դրությամբ իրականացվել շուրջ 60 տոկոսով: Կրթահամալիրի շինարարությունը նախատեսվում է ավարտել 2026 թվականի սեպտեմբեր ամսին:

«Գեղամա աշխարհ»

ՇԱՏՋՐԵՔՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 10 ԾՐԱԳԻՐ Է ԻՐԱԿԱՆԱՅՎԵԼ

Գեղարքունիքի մարզի Վարդենիս համայնքի Շատջրեք գյուղում սուբվենցիոն ու պետական ծրագրերի շրջանակներում 2018-2025 թվականների ընթացքում սոցիալ-տնտեսական եւ կենսական նշանակության 10 ծրագիր է իրականացվել, որոնց ուղղությամբ կատարված կապիտալ ներդրումները կազմել են 907 միլիոն 150 հազար 634 դրամ:

Իրականացված ծրագրերից 9-ը սուբվենցիոն են՝ 259 միլիոն 493 հազար դրամ ընդհանուր արժեքով, 1-ը՝ պետական՝ 647 միլիոն 700 հազար դրամ արժեքով:

Իրականացված ծրագրերի արդյունքում Շատջրեքում 2018-2025 թվականների ընթացքում կառուցվել է 2876 մետր խմելու, 5079 մետր ոռոգման ջրատար ցանցեր, 2020 մետր արտաքին լուսավորության ցանց, հիմնանորոգվել 962 գծամետր ներհամայնքային նշանակության ճանապարհ, ընթացքի մեջ են դպրոցի շենքի կառուցման աշխատանքները:



Շատջրեքի դպրոցի շենքը կառուցվում է պետբյուջեի միջոցներով, ՀՀ կառավարության կողմից իրականացվող սուբվենցիոն ծրագրերի շրջանակներում: Շինարարական աշխատանքները մեկնարկել են 2021 թվականից, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, 647 միլիոն 700 հազար դրամ արժեքով: 2026 թվականի հունիսի 1-ի դրությամբ շինարարությունն իրականացված է շուրջ 70 տոկոսով: Շինարարական աշխատանքները նախատեսվում է ավարտի հասցնել 2026 թվականի սեպտեմբերին:

«Գեղամա աշխարհ»

ԳԹԱՇԵՆԻ ԱՎԵՐԱԿՆԵՐԻ ԳԵՂԱՏԵՍԻԼ ԽԱՉՔԱՐԵՐԸ



Նկարը էջ 1-ում

Գթաշենի կողքով հոսում է Մաքենիս գետը, իսկ հարավային կողմում տարածվող Վարդենիսի բարձրաբերձ լեռնաշղթայից բխում են հորդահոս, սառնորակ աղբյուրներ, տարածվում են ընդարձակ արոտավայրերն ու խոտհարքերը, որոնք չափազանց նպաստավոր են եղել մարդկանց բնակվելու ու զբաղմունքի համար:

Այս գյուղի պատմությանն ու պատմաշակութային արժեքներն մանրամասնորեն անդրադարձել է մեծ հայագետ, վիճակագրատեսիկ Մեղրակ Բարխուդարյանը «Դիվան հայ վիճակագրության» կոթողային աշխատության մեջ: Դրա համար հիմք են ծառայել միայն հրաշքով պահպանված ու մեզ հասած տապանաքար-խաչքարերը, որոնք արտացոլում են ընդամենը 15-17-րդ դարերի ընթացքը, այստեղ ապրած մարդկանց անունները եւ թողած արվեստի քանդակներն ու վիճակագրերը: Իսկ թե ինչ հանգամանքներում են հայ բնակիչները լքել գյուղը, որտեղ են հեռացել, այս մասին առայժմ պատմությունը խորհրդավոր կերպով լռում է:

Ամենայն հավանականությամբ, գյուղը լքվել է 18-րդ դարի ընթացքում լեզգիների կողմից Սեւանի ավազանում իրականացված մի քանի ավերիչ ասպատակությունների հետևանքով:

Դատելով ավերակների ընդարձակ տարածվածությունից, կարելի է եզրակացնել, որ Գթաշենը ժամանակին եղել է մեծ ու մարդաշատ գյուղ:

Այժմ խոսքը տանք Մեղրակ Բարխուդարյանին: «Գթաշեն գյուղատեղի այս ավերակները գտնվում են Մաքենիս գյուղից արեւմուտք, 3-4 կիլոմետր հեռու, բայց նրա հանդի մեջ, Կարճաղբյուր գյուղի հանդի սահմանի մոտ, գետակի ձախ ափին: Տեղացիները կոչում են «Կարմիր խրեք», որի ավերակների մեծ մասն արդեն մաքրված է եւ տեղն արտերի վերածված: Պահպանվել են անտաշ քարերով շինված եկեղեցու հիմնապատերը մեջք երկու կանգնած խաչքարեր եւ անմիջական շրջապատում մի քանի տների ավերակներ, խաչքարեր ու գերեզմանաքարեր եկեղեցու մոտ:

Եկեղեցու մեջ կանգնած մի գեղաքանդակ խաչքարի թիկունքի մեծ եւ բովանդակալից արձանագրությամբ մեջ պահպանվել է գյուղի հին անունը՝ Գթաշեն:

Գթաշեն անունով գյուղ չկա Օրբելյանի ցուցակում: Ալիշանը նշում է, որ Վենետիկում պահվող պատմագրի ձեռագրերից ոչ մեկում չկա, սակայն Շահխաթունյանցը իր մեջ բերած Սոթք գավառի ցուցակում նշում է Քթաշեն գյուղը:

Մեզ թվում է, որ Շահխաթունյանցը ցուցակի վերջում մի քանի գյուղերի անունները լրացրել է առնելով այլ աղբյուրներից, եւ ոչ թե Օրբելյանի որեւէ ձեռագրի ցուցակից, մանավանդ, որ Շահխաթունյանցի ցուցակում Քթաշենին անմիջապես հաջորդում է Դելիարդաշ անունը, որը նախ Սոթք գավառի մեջ չէ, եւ ապա, իր թուրքական ծագումով, չէր կարող լինել Ստեփանոս Օրբելյանի ցուցակում:

Շահխաթունյանցի աղբյուրն այս դեպքում եղել են Ստեփանոս Օրբելյանի «Պատմության» մի քանի ձեռագրերը: Հատկապես Տաթևի վանքում գրված օրինակներում Քյոթունի դեր է կատարել մի օրինակ, որտեղ գետեղված է եղել Գեղարքունիի մելիքների եւ տանուտերերի հայտնի «Ուխտագիրը», որը տվել են Տաթևի վանքին, որպես հաստատություն Գեղարքունի գավառը աղ վանքի վիճակ լինելուն: Շահխաթունյանցը 1513 թվականի այդ «Ուխտագիրը» ամբողջությամբ դրել է իր գրքում, որի տակ, ի շարս այլոց, ստորագրել է նաեւ թարգման Թիթաշենցին, այն էլ՝ էիի Դելիարդաշյանցից հետո:

Այսպիսով, Քիթաշեն տեղանվան ամենահին հիշատակությունը վերաբերում է 1513 թվականին: Մեր արձանագրությունը թվական չունի, բայց այն խաչքարը, որի թիկունքին գրված է, իր քանդակների ոճով հենց այդ ժամանակներին է վերաբերում: Ավերակների մեջ եղած հուշարձանների մեծ մասը թվագրված են արձանագրության մոտիկ ժամանակներով: «Ուխտագիր» մեջ Քիթաշենի փոխարեն Գթաշեն ձեռք առնալույթյան տեղիք տալ չի կարող հարկավ:

Անհրաժեշտ է մի ուղղում: Երվանդ Լալայանը հրատարակել է այս արձանագրությունը, բայց սխալմամբ տեղադրել է վերին Քյոլաղազն գյուղատեղում, որին նույնպես սխալմամբ «Կարմիր խարպա» անունն է տվել, ապա, արձանագրությունը սխալ վերծանելով՝ աղավաղել է թե՛ նրա ընդհանուր բովանդակությունը, թե՛, մանավանդ, Գթաշեն տեղանունը: Մեզ հետաքրքրող մասը Լալայանը վերծանել է այսպես. «...սաղմոհանայ արեւի սարին ջուրն Դաղձն գթաշինոյ...»: Բացի ընդհանուր իմաստից գուրկ լինելուց, այս բառերի շարքի մեջ գյուղանունը դարձել է Դաղձն. իրականում այս մասն այսպես է. «Սարդահանայ պոի սարին ջուրն ի դաշտն Գթայ-շինոյ...»:

Այս գյուղատեղից մեր ժողովածուում անփոփված են 15 արձանագրություն, որոնցից միայն երկուսն են հատարակված եղել», -գրում է Բարխուդարյանը:

Եվ այսպես, ի՛նչ է գրված ավերակ եկեղեցու մեջ կանգնած մեծ, գեղաքանդակ խաչքարի ճակատին, թիկունքին եւ հարավային կողմին. «ԱՍՏՈՒԾՈՎ ՄԵՔ ԴԱԻԾ ԵՐԵՑՍ Ե: /5/ ՈՐԴԻՔՍ, ՍՈՒԼԹԱՆ ԴՈՒԼԻՆ, ԵԴԻՇԻՍ ԹՈՐՈՒ ԴԱԼԱՍԻՆ, ՈՐ ԵՆՔ ԾՆՈՒՆԴ ՍԱՐՈՒ ԱՍԻՐԱՍԻՆ, ՈՐ ԲԱԶՈՒՄ ԶԱՆՔ ԵՒ ՀՆԱՐԻԲ ԲԵՐԵԱԼ ՍԱՐԴԱՅԱՅ ԴՈՒ ԶՈՒՐ Ի ԴԱՇՏՆ ԳԹԱՅՇԻՆՈՅ. ՇԻՆԵԱՅ Բ: /2/ ԶԱՐԱՅՆ, ԵԹՈՂ ՀԱՐԵՆԻՔ ԻՐ ԾՆԸՆԵՈՅ»:

Խաչքարի հարավային կողմն գրված է. «ԴԱԻԾ ԵՐԵՑ ԿԱՆԿԱՆԵՑԱՔ ԽԱՉՔԱՐՍ ԲԱՐԵԽԱԲ ՄԵՐ»:

Խաչքարն անթվագիր է, սակայն Բարխուդարյանն այն համարում է 15-16-րդ դարերի գործ: Ըստ նրա՝ հենց այդ ժամանակներում են պատրաստվել նաեւ թվագրություն կրող մյուս խաչքարերն

ու տապանաքարերը:

Վավերագրից պարզ հասկացվում է, որ Դավիթ Երեցը, Սուլթանդուլի 5 որդիներից, Դավամի թոռ եղիշը բազում ջանքերով ու հնարներով ջուրը հասցրել են Գթաշենի դաշտերը, ջրի հոսքի վրա երկու ջրաղաց շինել:

Ահա այսպես է պահպանվել թե՛ գյուղի, թե՛ նրան շունչ ու կենդանություն տվող մարդկանց անունները, որոնք դարերով դաջված են մնացել բնության բոլոր քմայքներին դիմացած գեղաքանդակ խաչքարի վրա:

Նույն խաչքարին կից, ավերակ եկեղեցու մեջ կանգնած մեկ այլ խաչքար կրում է հետեւյալ արձանագրությունը. «ԱՍՏՈՒԾ ՈՐՈՐՄԻ ՍԱԼԹԱՆԴՈՒԼԻՆ»:

Նույն խաչքարը նախորդի հետ կանգնեցրել է Դավիթ Երեցը:

Մեծ ու տափակ տապանաքարին արձանագրված է. «ԱՅՍ Ե ՏԱՊԱՆ ԲԱԾԻՆ, ԿՈՂԱԿԻՑ ՄԻՐԶԻՆ.ԹՎ. ՌԾԻ /1671/: Սա արդեն փաստում է, որ Գթաշենում 17-րդ դարի երկրորդ կեսին հայ մարդիկ շարունակում էին ապրել ու արարել, չնայած Շահ Աբասի կողմից կազմակերպած 1604-1605 թվականների մեծ բռնագաղթին ու նրան հաջորդած ծանր ժամանակներին:

Շատ տպավորող են ավերակ եկեղեցու արեւմտյան պատին մոտ մի շարքով կանգնեցված գեղաքանդակ 7 խաչքարերը, որոնցից հինգը միայն կրում են թվական արտահայտող տառերը՝ ՉԼԶ/1487/, ՉԿԵ/1516/, ՉԿ/1511/, Չ Կ / 1 5 1 1 /, ՉԿԵ/1516/: Իսկ նրանցից մեկը, ամենահարավային կողմում, հետեւյալ արձանագրությունը. «ԵՍ ՏԵՐ ՄԱՆՎԵԼ ԿԱՆԿԱՆԵՑԻ ԽԱՉՍ Ի ՓՐԿՈՒԹԻՆ ՀՈԳՈՅ ՀԱՐԻ ԻՍ ՊԵՍԱՆԻՆ.ԹՎ. ՉԿԵ/1516/: Բոլոր խաչքարերը գեղաքանդակ են ու նույն ոճի, նույն վարպետի կողմից կերտված:

Ավերակ եկեղեցու մոտ գտնվող մի տապանաքար էլ ազդարարում է 1496 թվականին մահացած Դավամի անունը:

Մի ամբողջ պատկերասրահի ու գրավոր մատյանի է նմանվում մեծ, ստորին մասում օրորոցաձեւ, վերին մասում թամբաձեւ տապանաքարը, որը հարավային կողմն ունի չորս սրանկյուն խորաններ: Առաջին խորանում ծիպվոր է պատկերված՝ ձեռքին գավազան, երկրորդ խորանում երկլարանի սազ նվագողն է, երրորդում պատկերված է զավ եւ բլիթ, չորրորդում՝ մկրատ, ցրցած տալու կռն գործիք, երկար փայտ եւ կոճակ: Շրջանակների մեջ արձանադրված է. «ԱՅՍ Ե ՀԱՆԳԻՍ ԴՈՒԿԱՍԻՆ Ե ՈՐԴԻ ՍԻՄԵՈՆԻՆ, ԿԱՆԿԱՆԵՑԱՒ ԽԱՉՍ ԶԵՌԱԲ ԺՐԵԱՍԻՆ :ՉՀ:/1521/ ԱՐԱՊԵԿ»: Բարխուդարյանը կարծում է, որ Աղաբեկ կազմողն է, քանի որ նրա անունը գրված է հյուսիսասային կողմի մի խորանի մեջ:

Հետաքրքիր պատկերագրություն ունի նաեւ վերելուն թամբաձեւ, հյուսիսային կողմ 2 շարքի բաժանված, վերելուն չորս խորաններ , իսկ երեքի մեջ խաչեր ունեցող տապանաքարը: Վերին մասում պատկերված է զավ եւ բլիթ, երկու կողմին՝ երկլարանի սազ եւ սրինգ: Ստորին շարքում պատկերված է հեծյալ, որը միգակով հարվածում է ծիու ոտքերի տակ գալարված վիշապին: Դիմացը պատկերած է եզ ու մի գազան: Տապանաքարը

կրում է հետեւյալ արձանագրությունը. «ՊԵՏՐՈՍ, ՈՐԴԻ ԱԹԱՆԻՍԻ ԿԱՆԿԱՆԵՑԻ Ե ՏԱՊԱՆՍ ԻՍ ԵՐԱԲԻՐ...ԹՎ. ՉԶԲ/1533/»:

Մեկ այլ տապանաքարի վրա էլ պատկերված է ձեռքին նետ ու աղեղ բռնած որսորդ, ուսին՝ հրացան, գոտիում՝ դաշույն, իսկ նրա առջեւից փախչող երեք այծյամ: Տապանաքարին արձանագրված է. «ԱՅՍ Ե ՀԱՆԳԻՍ ԵԼԻԽԱՆԻՆ Ե ՈՐԴԻ ՍԱՐԻԽԱՆԻՆ ԵՒ ՍԱՐԻ ՄԱՐԻԱՆԻՆ: ԽԱՉՍ ԲԱՐԵԽԱՍ ՀՈԳՈՅ ԵԼԻԽԱՆԻՆ ԵՒ ՄՈՐՆ ՄԱՐԻԱՆԻՆ. ԹՎ ՈՐԳ/1645/»:

Մեկ այլ տապանաքար էլ կրում է Աղաճան անունը:

Գթաշենը չորս կողմից շրջապատված է սքանչելի բնապատկերներով: Հյուսիսում, ինչպես ափից մեջ, փռված է Սեւանա լճի ողջ հայելին ու նրան շրջապատող լեռնաշղթաները: Արեւմուտքում տարածվում է Գեղամա լեռնաշղթան՝ իր բարձրաբերձ բազմաթիվ կատարներով: Արեւելքում Արեւելյան Սեւանի լեռ-



ներն են, հարավում՝ Վարդենիսի լեռնաշղթայի սարավանդերը: Իսկ այս ամենին առանձնակի շուք են տալիս խաչքար-տապանաքարերը, որոնք մեզ ավանդվել են մեր հանճարեղ քանդակագործ վարպետների պայծառ մտքի ու հմուտ ձեռքերի շնորհիվ:

Հայ մարդիկ այստեղ ապրել ու արարել են խստաշունչ ձմեռների ու զովասուն ամառների դժվար ու նույնքան էլ հաճելի ներկայությամբ, սակայն միշտ հույսով, հավատով, մայր հողի նկատմամբ ունեցած սիրով, Աստծուն ուղղված ջերմեռանդ աղոթքներով: Բայց եկել են չարագործ, ավարառու ցեղերը եւ եռուզեղի մեջ ապրող շենը հիմնովին ամալացրել:

Ու Գթաշենը, թեկուզ վաղուց լքված ու մոռացված, ուխտի է կանչում մեզ, ուխտի է կանչում աշխարհափյուռ հայությանը՝ ավերակների մեջ դեռ հպարտորեն կանգնած իր վեհաշուք կոթողներով, իր առեղծավածային պատմությամբ:

Մաքենիսի վանք այցելող ուխտավորները կարող են իրենց համար պարտավորություն համարել՝ մի կարճ ժամանակով ճանապարհը շեղելու եւ Գթաշենի հուշարձաններին իրենց սիրո ու հարգանքի տուրքը մատուցելու նպատակով:

Խոսքով Խաչքար

ՄԱՐՏՈՒՆԻ ՔԱՂԱՔԻ 7 ԸՆՏԱՆԻՔՆԵՐ ՆՎԻՐԱՏՎՈՒԹՅԱՐ ՍԵՓԱԿԱՆՈՒԹՅԱՆ ԻՐԱՎՈՒՆՔ ԶԵՌՔ ԲԵՐԵՑԻՆ ԻՐԵՆՑ ՎԱՐՁԱՎԱՆԾ ԲՆԱԿՏԱՐԱՆՔՆԵՐԻ ՆԱԾԱՄԱՐ

Մարտունի քաղաքի 7 ընտանիքներ նվիրատվությամբ սեփականության իրավունք ձեռք բերեցին իրենց վարձակալած բնակատարածքների նկատմամբ:

Ինչպես տեղեկացրին Մարտունու համայնքապետարանի աշխատակազմից, նրանք Մարտունի քաղաքի Շահումյան փողոցի 15/1 շենքի այն բնակիչներն են, ովքեր երկար տարիներ վարձակալությամբ բնակվելով նախկին շրջանէպիոկայանին պատկանող տարածքում, իրավական տարբեր խոչընդոտների պատճառով չէին կարողանում օրինականացնել ու սեփականաշնորհել իրենց անշարժ գույքը: Սա-


կ ա յ յ
այդ եր-
կ ա
ր ա տ
ս պ ա
ս ու մ
ու ան-
որ շու-
թյ ու ն
արդե՛ն
մնացել
է ն
անցյա-
լում:



Օր եր ս
Մ ար տ ու
ն ի հա-
մ ա յ յ
դ ե կ ա վ
ար Հ ո վ հ ա
ն ե Ն Յ ո վ
յ ա նը հա-
մ ա յ յ ք ա
պ ե տ ա
ր ա ն եր
հ ր ա վ ի
ր է ի շ ա
լ շ ե ն ք ի
բ ն ա կ ի
չ ե թ ի ն

անձամբ հայտնելու երկար սպասված ուրախալի լուրը: Համայնքի ղեկավարը շնորհավորել է ներկաներին եւ նրանց հանձնել համապատասխան որոշումները, որոնցով շենքի թվով 7 բնակարանները նվիրատվությամբ հատկացվել են այդ բնակարանները տասնամյակներ շարունակ վարձակալող 7 ընտանիքներին:

Տարիների խնդրի հանգուցալուծումը ոչ միայն իրավական ակտերի հստակեցում է, այլեւ մարդասիրական ու արդարացի քայլ՝ ուղղված մեր համայնքի բնակիչների կյանքի որակի բարելավմանն ու նրանց սեփականության իրավունքի պաշտպանությանը,-



Գեղարքունիքի մարզի Գավառ համայնքի Գեղարքունիք գյուղում 2018-2025 թվականների ընթացքում սուբվենցիոն ու պետական ծրագրերի շրջանակներում սոցիալ-տնտեսական եւ կենսական նշանակության 9 ծրագիր է իրականացվել, որոնց ուղղությամբ կատարված կապիտալ ներդրումները կազմել են 641 միլիոն 233 հազար 951 դրամ:

Իրականացված ծրագրերից 8-ը սուբվենցիոն են՝ 191 միլիոն 233 հազար 951 դրամ ընդհանուր արժեքով, եւ մեկը՝ պետական 450 միլիոն դրամ արժեքով: Իրականացված ծրագրերի արդյունքում 2018-2025 թվականներին Գեղարքունիք գյուղում կառուցվել է 8490 մետր խմելու ջրատար, 7749 մետր արտաքին լուսավորության ցանց, մանկական խաղահրապարակ, Գավառի պատմության ու բնության հուշար-

ԳԵՂԱՐՔՈՒՆԻՔ ԳՅՈՒՂՈՒՄ 2028-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 9 ԾՐԱԳԻՐ Է ԻՐԱԿԱՆԱՑՎԵԼ



ծանցների գովազդային վահանակներ կրող ավտոսպասարկման կանգառ, 2152 մետր ջրահեռացման համակարգ, 3064 քառակուսի մետր ասֆալտապատ մայթեր, հիմնանորոգվել 2272 մետր ներհամայնքային ու մարզային նշանակության ավտոճանապարհի Գեղարքունիքի հատվածը՝ 450 միլիոն դրամ արժեքով:

Պետական ծրագրի շրջանակներում հիմնանորոգվել է Գավառ-Գեղարքունիք մարզային նշանակության ավտոճանապարհի Գեղարքունիքի հատվածը՝ 450 միլիոն դրամ արժեքով:

Խոսքով Խլղաթյան

ԳԵՂԱՄԱՍԱՐՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 6 ԾՐԱԳԻՐ Է ԻՐԱԿԱՆԱՑՎԵԼ



Գեղարքունիքի մարզի Վարդենիս համայնքի Գեղամասար գյուղում սուբվենցիոն եւ պետական ծրագրերի շրջանակներում 2018-2025 թվականների ընթացքում սոցիալ-տնտեսական եւ կենսական նշանակության 6 ծրագիր է իրականացվել, որոնց ուղղությամբ կատարված կապիտալ ներդրումները կազմել են 903 միլիոն 209 հազար դրամ:

Իրականացված ծրագրերից 4-ը սուբվենցիոն են՝ 88 միլիոն 109 հազար դրամ ընդհանուր արժեքով, 2-ը՝ պետական 815 միլիոն 100 հազար դրամ արժեքով:

Իրականացված ծրագրերի արդյունքում Գեղամասարում 2018-2025 թվականների ընթացքում կառուցվել է 10374 մետր խմելու ջրատարի ներքին ու արտաքին ցանցեր, 3440 մետր արտաքին լուսավորության ցանց, հիմնանորոգվել հանրապետական ու ներհամայնքային նշանա-

կության 5300 գծամետր ճանապարհ, ավարտական փուլում է գտնվում արդի չափորոշիչներին համապատասխանող մանկապարտեզի կառուցումը:

Գեղամասարի 50 տեղանոց մանկապարտեզի շենքը կառուցվել է ՀՀ կառավարության կողմից իրականացվող 300 դպրոց, 500 մանկապարտեզ ծրագրի շրջանակներում, պետբյուջեի միջոցներով, 150 միլիոն դրամ պայմանագրային արժեքով: Շինարարական աշխատանքները մեկնարկել են 2024 թվականի հուլիսից, իսկ մանկապարտեզը բացվել է շահագործվում է 2026 թվականի ապրիլի 29-ից: Բացման արարողությանը մասնակցել է ՀՀ Վարչապետ Նիկոլ Փաշինյանը:

Պետական մեկ այլ ծրագրով, 665 միլիոն դրամ պայմանագրային արժեքով, 2024 թվականին հիմնանորոգվել է Շողակաթ-Վարդենիս հանրապետական նշանակության ավտոճանապարհի Արեգունի-Գեղամասար հատվածը:

ԾԱՂԿՈՒՆՔՈՒՄ 208 ԳԼՈՒՍ ՈՉԽԱՐԻ ԱՆԿՄԱՆ ԴԵՊՔԸ ԳԱՅԼԵՐԻ ՀՈՇՈՏՄԱՆ ՀԵՏ ՉԻ ԿԱՊՎՈՒՄ

2026 թվականի հունիսի 6-ի վաղ առավոտյան Գեղարքունիքի մարզի Սեւան համայնքի Ծաղկունք գյուղում գրանցվել է 208 գլուխ ոչխարի անկում, որն առանձին լրատվամիջոցներով ներկայացվել է որպես գայլերի ոհմակի հարձակման ու սպանդի արդյունք, մինչդեռ այլ բան է ասում պաշտոնական ու մասնագիտական կարծիքը:

Ինչպես տեղեկացրեց Սեւանի համայնքապետարանի աշխատակազմի գյուղատնտեսության բաժնի վարիչ Ռադիկ Մանուկյանը, անկած 208 գլուխ ոչխարներից եւ ոչ մեկը հոշոտված չի եղել, ոչ մեկի մարմնի վրա ծակված կամ ճանկռված տեղեր չեն նկատվել:

Դեպքն արձանագրվել է Ծաղկունքի բնակիչ Գուրգեն Գեւորգյանի փարախում, որտեղ պահվում են Ծաղկունքի տնտեսությունների հարյուրավոր գլուխ ոչխարները արոտի շրջանում:

Գուրգեն Գեւորգյանն իր տնտեսության փարախում պահում է իր ու գյուղացիների ոչխարները: Վաղ առավոտյան նա նկատել է, որ ոչխարները կուտակ-



ված են իրար վրա, որոնց մի մասը չեն շարժվում: Դժվար է առայժմ եզրակացնել, թե ինչի արդյունքում են սատկել ոչխարները, սակայն մի բան հստակ է, որ գայլերի հարձակման կամ հոշոտման դեպքի հետ դա ոչ մի առնչություն չունի: Եթե ոչխարները կուտակվել են իրար գլխի, ապա ինչ-որ բանից խրտնել են՝ գուցե գայլերի մոտիկ լինելու վախից, հավանական է նաեւ ամպրոպից ու կայծակից: Բոլոր դեպքերում, լուրջ վնաս են կրել Ծաղկունքի ոչխարաբուծական տնտեսությունները, իսկ հովիվը Գուրգեն Գեւորգյանը, նման աղետի հետեւանքով հայտնվել է դժվարին վիճակում: Նա խնամքի տակ ունի չորս անչափահաս երեխա եւ սոցիալապես գտնվում է ոչ բարվոք վիճակում:

Անկած ոչխարների միսը պիտանի չէր օգտագործման, որն ամբողջությամբ ոչնչացվել է: Վնասների հնարավոր չափերը ճշտվում են,- ներկայացրեց Ռադիկ Մանուկյանը:

«Գեղամա աշխարհ»

ՑԱՆԿԱՊԱՏՎՈՒՄ Է ՍԵՎԱՆ ՀԱՄԱՅՆՔԻ ՆՈՐԱՇԵՆ ԲՆԱԿԱՎԱՅՐԻ ԽԱՂԱՀՐԱՊԱՐԱԿԸ



Օրերս սկսվել եւ ընթանում են Գեղարքունիքի մարզի Սեւան համայնքի Նորաշեն բնակավայրի խաղահրապարակի ցանկապատման աշխատանքները:

Համայնքի բյուջեից ցանկապատման աշխատանքների իրականացման համար տրամադրվել է 4 միլիոն 800 հազար դրամ:

Ցանկապատի ընդհանուր երկարությունը 90 գծամետր է, տեղադրվելու է նաեւ մետաղական դարպաս:

Ձեռնարկը սպասված էր եւ Նորաշեն բնակավայրի այս տարվա առաջնահերթություն ներկայացնող ծրագրերի ցանկում էր:

Ցանկապատումը հնարավորություն կտա՝ խաղահրապարակը դարձնել անվտանգ՝ ստեղծելով ամբողջական միջավայր: Տեղեկացնենք, որ համայնքի եւ ՅՈՒՆԵՍԿՕ-ի արդյունավետ հա-

մագործակցության շնորհիվ Նորաշեն բնակավայրում գործում է նախադպրոցական այլընտրանքային ծառայություն, որը բնակավայրի նախադպրոցական տարիքի երեխաների համար ստեղծել է բարենպաստ միջավայր՝ տարիքին համապատասխան կրթություն եւ դաստիարակություն ստանալու համար:

Նորաշենի փոքրիկ երեխաների հագեցած դարձնելու համար ՅՈՒՆԵՍԿՕ-ը՝ Եվրոպական միության ֆինանսական աջակցությամբ, տարածքում դեռեւս տարիներ առաջ տեղադրել էր բակային խաղամիջոցներ, որի շնորհիվ ոչ միայն նախակրթարանի, այլ նաեւ բնակավայրի երեխաների ազատ ժամանցն ու առողջ ապրելակերպին միտված միջոցառումները դարձել են առավել հետաքրքիր եւ հագեցած:

Ցանկապատի կառուցումն էլ կատարված աշխատանքների օրգանական շարունակությունն է, որին հանձնառու էր դարձել Սեւանի համայնքապետարանը, եւ որը դառնում է համայնքապաիպան կոնկրետ ծրագիր:

Արմինե Ղուկասյան

ՍԵՎԱՆ ԲԱՂՆՔԻ ԵՐԵՔ ՓՈՂՈՑՆԵՐՈՒՄ ՄԵԿՆԱՐԿԵԼ ԵՆ ՀԻՄՆԱՆՈՐՈԳՄԱՆ ԱՇԽԱՏԱՆՔՆԵՐԸ

Գեղարքունիքի մարզի Սեւան քաղաքի Ելենովկա, Բարեկամություն, Աշոտ Երկաթ փողոցներում ՀՀ կառավարության կողմից իրականացվող սուբվենցիոն ծրագրերի շրջանակներում արդեն տրվել է հիմնանորոգման աշխատանքների մեկնարկը:

Վերոնշյալ երեք փողոցներն ընդգրկում են 660 գծամետր երկարություն եւ շուրջ 4 հազար քառակուսի մետր մակերես:

Սեւանի Ելենովկա, Բարեկամություն, Աշոտ Երկաթ փողոցների հիմնանորոգման ծրագրի պայմանագրային արժեքը կազմում է 231 միլիոն 478 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Սեւանի համայնքապետարանը:

Շինաշխատանքների կապալառու



կազմակերպությունը «Ճան Շին» ՍՊԸ-ն է:

Հիմնանորոգման աշխատանքները ներառում են շինարարական մի շարք բաղադրիչներ:

Շինարարական աշխատանքները նախատեսված է ավարտել 2026 թվականի ընթացքում:

Արմինե Ղուկասյան

ՍԵՎԱՆ ԱՃԻ ՄԱԿԱՐԴԱԿԸ ՇԱՐՈՒՆԱԿՈՒՄ Է ԲԱՐՁՐԱՆԱԼ


2026 թվականի հունիսի 1-ի դրությամբ Սեւանա լիճը ծովի մակերեսույթից գտնվել է 1900 մետր 72 սանտիմետր բարձրության վրա, ինչը 16 սանտիմետրով բարձրացել է այս տարվա մայիսի սկզբին գրանցված նիշից:

ՀՀ ՇԱՆ «Հիդրոտեղեկութաբանության եւ մոնիտորինգի կենտրոն» ՊՈԱԿ տեղեկագրի համաձայն, 2025 թվականի հունիսի 1-ին Սեւանա լիճը գտնվել է 1900,75 սանտիմետր բարձրության վրա՝ այս տարվա նիշը գերազանցելով 3 սանտիմետրով: Իսկ այս տար-

վա սկզբից մինչ հունիսի 1-ն ընկած ժամանակահատվածում Սեւանի մակարդակը բարձրացել է 48 սանտիմետրով:

2026 թվականի հունվարից մինչ հունիսի 1-ն ընկած ժամանակահատվածում Արփա-Սեւան թունելային ջրատարով Սեւանա լիճ է տեղափոխվել 122 միլիոն 831 հազար խորանարդ մետր ջուր:

Սեւան թափվող գետերում դիտվում է ջրի ելքերի մեծացում:



Ծովասարի մարզի ծովափնային գոտիի մասին ծովափնային գոտիի մասին 90 եկ մեծագույն ծովափնային գոտիի մասին 70-րդ ծովափնային գոտիի մասին

Գեղարքունիքի մարզի Մարտունի համայնքի Ծովասար գյուղում հանդիսավորությամբ նշվեց վաստակաշատ ու հանրաճանաչ մանկավարժ, բազմազավակ հայր ժորա Ստեփանյանի ծննդյան 90-րդ տարեդարձերը:

Ժորա Ստեփանյանի մեծարժան գեղեկությունը ներկա էին նախկին աշակերտները, ովքեր արդեն վաղուց անվանի ուսուցիչներ են, դասախոսներ, գիտությունների թեկնածուներ, բժիշկներ, դոցենտներ: Տերեկոյին իրենց մասնակցությունն էին բերել նաև դպրոցի մանկավարժական կազմը, հարազատները եւ ընկերները:

Ելույթ ունեցողները նշեցին իրենց սիրելի ուսուցչի 90 տարիների կյանքի հարուստ փորձի, ձեռքբերումների, հայրենիքին ու շրջապատին մատուցած անուրանալի ծառայությունների մասին:

Տերեկոյի մեկնարկում ներկայացվեց ժորա Ստեփանյանի հոր Մամիկոն Ստեփանի հիշատակի բազմաշունչ ու բազմավաստակ գերդաստանը, որի անդամները հայոց հայրենիքը շենացրել ու կառուցել են կենսագործունեության ամենատարբեր ոլորտներում մանկավարժության, առողջապահության, արտադրության, գիտության, գյուղատնտեսության ու այլ բնագավառներում:

Ժորայի հայրը հողագործ Մամիկոն խլաթյանն էր, մայրը՝ «Յերոսուհի մայր» կոչմանն արժանացած Վերգուշ Մուկուչի խլաթյանը:

Նրանք 1934 թվականին ամուսնացել են, կազմել հայկական ավանդական ամուր ընտանիք: Ունեցել են 11 զավակ՝ 6 դուստր, 5 որդի: Քույրերը եւ եղբայրները միմյանց հետ կապված են հայկական ավանդական ընտանիքին հարիր ազգային արժեքներով: Սերը, միաբանությունը, մեծի եւ փոքրի գիտակցումը, միմյանց սատար կանգնելու պատրաստակամությունը, իրարով ապրելու կարողությունը ահա այն արժեքները, որոնցով դաստիարակվել են նրանք: Բոլորն էլ ամուսնացել են, կազմել զեղեցիկ, ամուր եւ կայուն ընտանիքներ, եւ Մամիկոնի գերդաստանն այսօր ունի 250 թոռ եւ ծոռ:

Սա մի հարստություն է մեր հայրենի աշխարհի համար, որն անկշռելի գանձ է, մի անպարտելի ու հավերժական գործաբանակ, որի երթն անկանգ շարունակվելու է նաեւ հետագա դարերի ընթացքում, շարունակվելու է այնքան, որքան որ կշարունակվի հայ ժողովրդի հարատև երթը: Մամիկոն խլաթյանի որդիներից վաստակաշատ գյուղատնտես Արշավիր Ստեփանյանն ու իր կին Աղունը ունեցել են 10 զավակ՝ բոլորն

էլ բարձրագույն կրթություն ստացած: Ժորա Ստեփանյանն էլ ունեցել է 7 զավակ, որոնցից 4-ը ստացել են բարձրագույն կրթություն,-նշեց Ծովասարի Բախտիբեկ Մուրադյանի անվան միջնակարգ դպրոցի տնօրեն Անժելա Վարդանյանը:

Թե՛ հողագործ ու շինական Մամիկոնի եւ թե՛ Վերգուշ մայրիկի համար առաջնային էր զավակների կրթությունն ապահովելը, հիմա դժվար է պատկերացնել, թե այն ժամանակ ինչպիսի ճոխություն էր հետպատեցողական դժվար տարիներին եւ սուղ հնարավորություններով ապահովել երեխայի կրթությունը, երբ միակ փոխադրամիջոցը մարդու ոտքերն էին: Այդ տարիներին մեր լեռնային գյուղում գործում էր յոթնամյա դպրոց, որտեղ էլ ժորա Ստեփանյանը ստացել է նախնական կրթությունը: Այնուհետ նա ուսումը շարունակում է Նոր Բայազետի մանկավարժական ուսումնարանում ստանալով տարրական դպրոցի ուսուցչի որակավորում: Ականատեսները պատմում են, որ մայրը տարիներ շարունակ ոտքով, ուտելիքի պարկը շալակին, ուղեւորվել է ուսանող որդու մոտ հաց տանելու: 1957 թվականին, աշխատանքին զուգընթաց, ժորա Ստեփանյանն ընդունվել է Երեւանի հայկական պետական մանկավարժական ինստիտուտի մաթեմատիկայի ֆակուլտետը եւ 1963 թվականին բարձր առաջադիմությամբ ավարտել հիշյալ ինստիտուտի լրիվ դասընթացը: Շուրջ 70 տարի նա դասավանդել է ֆիզիկա եւ մաթեմատիկա հարազատ գյուղի միջնակարգ դպրոցում: Իր սաներից շատերը հաղթող են ճանաչվել մաթեմատիկայի օլիմպիադաներում, շատերը այժմ մաթեմատիկայի եւ ֆիզիկայի ճանաչված ուսուցիչներ են, բուհերի առաջատար դասախոսներ, գիտությունների թեկնածուներ, դոցենտներ, համարպետության առաջնակարգ մասնագետներ:

Փորձերը թվարկել այդ աստղաբույլից մի քանիսին: Բեքսիմ Արսենյան, Յենիկ Սիբայեյան, Կորյուն Առաքելյան, Օնիկ Սիբայեյան, Լավրենտ Արզումանյան, Վաղինակ Գեորգյան, Թադևոս Թադևոսյան, Յուսիկ Գեորգյան, Նվեր Գրիգորյան, Նաիրի Վարդանյան, Արշավիր Արշակյան, Ստեփան Յայրապետյան, Կառլեն Աղեկյան, Մանվել Պապիկյան, Նվեր Սաֆարյան, Գոհար Ստեփանյան, Գեորգ Ոսկանյան, Կոմի-



տաս Ստեփանյան, Յայկ Ավետիսյան, Վարդան Ստեփանյան, Յասմիկ Ստեփանյան, Ծովինար Ստեփանյան, Շուշան Ստեփանյան եւ շատ շատերը??? Այս պահին այստեղ ներկա է հարազատ եղբայրը՝ Զավեն խլաթյանը, ով ճանաչված գիտնական է, գիտությունների ազգային ակադեմիայի թղթակից անդամ,-ներկայացրին հաղորդավարներ Ստեփա Կակոյանը եւ Լուսինե Նազարյանը:

Ժորա Ստեփանյանի մոտ ներդաշնակ են բնատուր պարզեցները՝ տաղանդը, աշխատասիրությունը, ինքնակրթելու ձգտումը, համակ նվիրվածությունը աճող սերդին կրթելու եւ դաստիարակելու աստվածահաճ ուրբ գործում:

Այդ ամենով նա դարձավ մեր ժամանակի վառ անհատականություններից մեկը՝ իր բարոյական բարձր նկարագրով, բնատուր շնորհներով ու արդարանությանը: Նրա մտահորիզոնը շատ ավելի լայն շրջանակ ունի, քան իր մասնագիտությունն է, քանի որ նրա հետ ժամերով կարելի է գրուցել գրականությունից, արվեստից, աշխարհագրությունից, պատմությունից, փիլիսոփայությունից... Ու իր անսահման գիտելիքները նա միշտ սիրով փոխանցել է իր աշակերտներին: Որպես մեծ ուսուցիչ նա երանության ու հիացմունք-



քի աննկարագրելի զգացում է ապրում տեսնելով իր նախկին սաների հաջողությունները,-երախտագիտական խոսք հնչեցրեց ժորա Ստեփանյանի աշակերտ, մաթեմատիկական գիտությունների թեկնածու, պրոֆեսոր Կորյուն Առաքելյանը:

Տերեկոյի ավարտին շնորհակալական խոսքով հանդես եկավ օրվա հերոսը՝ 90 տարին փառքով բոլորած ժորա Ստեփանյանը:

Եւ հպարտ են առաջին հերթին իմ ընտանիքով ու գերդաստանով, երկրորդ հերթին իմ բոլոր այն աշակերտներով, ովքեր այսօր կյանքի ամենատարբեր ոլորտներում զբաղված են հայրենիքի կառուցմամբ ու շենացմամբ: Ամբողջ կյանքում ձգտել եմ թե՛ զավակներիս, թե՛ աշակերտներիս մեջ սեր սերմանել աշխատանքի ու հայրենիքի հանդեպ, ու ինձ դա գերազանցապես հաջողվել է: Առավել հպարտ եմ այն աշակերտներով, ովքեր ոչ միայն լավ են յուրացրել մաթեմատիկան ու ֆիզիկան, այլ նաեւ այսօր դասավանդում են դպրոցներում ու բուհերում: Ես, իրավամբ, գոհ ու երջանիկ եմ իմ վաստակով, բայց դեռ եռանդի մեջ եմ ու քանի դեռ ուժերս կբավարարեն, կշարունակեմ գիտելիքների փոխանցումը մատաղ սերնդին:

Կյանքում ձգտել եմ ամեն դասարան մտնելիս մատաղ սերնդի մոտ սեր արթնացնել դեպի մաթեմատիկան, քանի որ առանց մաթեմատիկայի չի կարող լինել ո՛չ բժշկություն, ո՛չ շինարարություն, ո՛չ արտադրություն, ո՛չ էլ բազմաթիվ այլ բնագավառներ: Հորս եւ սիրելի ուսուցիչներիս եմ պարտական իմ մաթեմատիկական ընդունակություններին համար: Բոլոր առումներով ես ինձ երջանիկ մարդ եմ համարում, թեւ իմ տարիքին ու ձեռքբերումներին հասել եմ շատ դժվարությունների, մաթեմատիկայի, մեծ ջանքերի գնով,-ասաց ժորա Ստեփանյանը:

Յայրենիքին մատուցած ծառայությունների համար ժորա Ստեփանյանն արժանացել է «Աշխատանքային արիության համար», «Լավագույն աշխատանքի համար», «ՍՍՀՄ ժողովրդական կրթության գերազանցիկ» մեդալների: 1989 թվականին նրան շնորհվել է «Մեթոդիստ ուսուցիչ» կոչումը: 1996 թվականին ստացել է «Մաթեմատիկայի հետազոտող ուսուցիչ» տարակարգ:

Տերեկոյը գեղարվեստական կատարումներով զարդարեցին Ծովասարի Մշակույթի կենտրոնի «Աշակերտ» պարային համույթի անդամները:

Խոսքով խլաթյան

ՏՐՎԵԼ Է ՄԱՐՏՈՒՆԻ ՀԱՄԱՅՆՔԻ ԿԵՆՏՐՈՆԱԿԱՆ ԳՐԱԴԱՐԱՆԻ ՆՈՐ ԾԵՆՔԻ ԿԱՌՈՒՑՄԱՆ ԾՐԱՐԱՐԱԿԱՆ ԱՇԽԱՏԱՆՔՆԵՐԻ ՄԵԿՆԱՐԿԸ



Գեղարքունիքի մարզի Մարտունի քաղաքում ՀՀ կառավարության կողմից 2026 թվականին իրականացվող սուբվենցիոն ծրագրերի շրջանակներում արդեն տրվել է կենտրոնական գրադարանի նոր շենքի կառուցման շինարարական աշխատանքների մեկնարկը:

Ինչպես տեղեկացրին Մարտունու համայնքապետարանի աշխատակազմից, Մարտունու կենտրոնական գրադարանի նոր շենքի կառուցման ծրագրի պայմանագրային արժեքը կազմում է 231 միլիոն դրամ, որի 45 տոկոսը հատկացնում է ՀՀ կառավարությունը, 55 տոկոսը՝ Մարտունու համայնքապետարանը:

Ծրագրով նախատեսված է գրադարանի գործող միահարկ հին շենքի քանդում ու տեղում նոր, երկհարկանի շենքի կառուցում՝ արդի չափորոշիչներին համապատասխան բոլոր պայմանների ապահով-

կառույցն ու գրքերը այլ շենք տեղափոխելու տարբերակը, սակայն, ի վերջո, ընտրվեց նույն տեղում նոր շենք կառուցելու ծրագիրը: Սա շատ կարելու քայլ է մեր հարուստ գրական ֆոնդը պահպանելու, արդի չափորոշիչներին համապատասխան գրադարան ունենալու համար, մի բան, որին մենք երկար տարիներ ենք սպասել,-ներկայացրեց Մարտունու կենտրոնական գրադարանի տնօրեն Ռուզաննա Բեգլարյանը:

Մարտունու կենտրոնական գրադարանը ժամանակավորապես կգործի Մարտունու քաղաքի մշակույթի կենտրոնի շենքում:

Շինարարական աշխատանքները նախատեսվում է ավարտել 2027 թվականի ընթացքում:

Խոսքով խլաթյան

ՄԱՐՏՈՒՆԻ ԲԱՆԱԿԻ ԴԱՎԻԴ ԱՆՀԱՂԾ ՓՈՂՈՑԻ ՀԻՄՆԱՆՈՐՈՎՄԱՆ ԱՇԽԱՏԱՆՔՆԵՐՆ ԱՎԱՐՏԱԿԱՆ ՓՈԽՈՒՄ ԵՆ

Գեղարքունիքի մարզի Մարտունի քաղաքի Դավիթ Անհաղծ փողոցի հիմնանորոգման աշխատանքները գտնվում են ավարտական փուլում, որոնք իրականացվել են ՀՀ կառավարության 2025 թվականի սուբվենցիոն ծրագրերի շրջանակներում:

Ինչպես տեղեկացրին Մարտունու համայնքապետարանի աշխատակազմից, Դավիթ Անհաղծ փողոցի հիմնանորոգման աշխատանքների մեկնարկը տրվել է 2025 թվականի սեպտեմբերից:

Ծրագրով նախատեսված է եղել մայթերի սալարկման ու ճանապարհի երթեւեկի մասի ասֆալտապատման աշխատանքներ:


Դավիթ Անհաղծ փողոցի մայթերի սալարկման ծրագրի պայմանագ-

րային արժեքը կազմել է 39 միլիոն դրամ, որի 65 տոկոսը հատկացրել է ՀՀ կառավարությունը, 35 տոկոսը՝ Մարտունու համայնքապետարանը: Դավիթ Անհաղծ փողոցում ծրագրի շրջանակներում կառուցվել է երկկողմանի մայթեր՝ բազալտ քարի սալարկմամբ, 387 մետր երկարությամբ եւ 774 քառակուսի մետր մակերեսով:

Դավիթ Անհաղծ փողոցի երթեւեկի մասի ասֆալտապատման ծրագրի պայմանագրային արժեքը կազմում է 42 միլիոն 722 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

«Գեղամա աշխարհ»





ԳԵՂԱՄԱ 6

Համագործակցության նպատակով Գեղարքունիքի մարզի Վարդենիս համայնքում հյուրընկալվել են Էստոնիայի Հանրապետության Վալգա քաղաքի ուսումնական հաստատության ներկայացուցիչները:

Ինչպես տեղեկացրին Վարդենիսի համայնքապետարանի աշխատակազմից, Էստոնիայի ներկայացուցիչները հյուրընկալվել են Վարդենիս քաղաքի Բաղեյանի անվան պետական քոլեջում:

Վարդենիս համայնքի ղեկավար Ահարոն Խաչատրյանն ընդունել է Վարդենիսի Բաղեյան պետական քոլեջի տնօրեն Արթուր Սիրադեղյանին, քոլեջի վարչական աշխատակիցներին և Էստոնիայի Հանրապետության Վալգա

ՀԱՄԱԳՈՐԾԱԿՑՈՒՄ ԵՆ ՎԱՐԴԵՆԻՍ ԵՎ ԷՍՏՈՆԻԱՅԻ ՀԱՆՐԱՊԵՏՈՒԹՅԱՆ ՎԱԼԳԱ ՔԱՂԱՔԻ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԸ



քաղաքի ուսումնական հաստատության ներկայացուցիչներին:

Հանդիպման ընթացքում քննարկվել են կրթության ոլորտում համագործակցության զարգացման, փորձի փոխանակման, ուսումնական ծրագրերի կատարելագործման և միջազգային կապերի ընդլայնմանն առնչվող հարցեր: Կողմերը կարելի էր ենթադրել, որ կապերը հաստատվելու են:

տությունների միջև գործընկերային հարաբերությունների ամրապնդումը, ինչը կնպաստի ուսանողների և դասախոսական կազմի մասնագիտական կարողությունների զարգացմանը:

Համայնքի ղեկավարը ողջունել է հյուրերին՝ ընդգծելով միջազգային համագործակցության կարևորությունը կրթության և համայնքի զարգացման գործում: Նա պատրաստակամություն է հայտնել՝ աջակցելու կրթական նախաձեռնություններին և ծրագրերին, որոնք միտված են երիտասարդների գիտելիքների ու հմտությունների զարգացմանը:

Հանդիպումն անցել է ջերմ և կառուցողական մթնոլորտում՝ նախաձեռնվող հետագա համագործակցության նոր հնարավորությունները:

«Գեղամա աշխարհ»

ՄԵՎԱՆԻ ԵՐԱԺՇՏԱԿԱՆ ԴՊՐՈՑԻ ՍԱՆԵՐԸ ՀՅՈՒՐԸՆԿԱԿԵԼ ԵՆ ՄԱՅՐԱՔԱՂԱՔԻ ՄԻՔԱՅԵԼ ՄԻՐԶՈՑԱՆԻ ԱՆՎԱՆ ԵՐԱԺՇՏԱԿԱՆ ԴՊՐՈՑՈՒՄ



Գեղարքունիքի մարզի Սեւան համայնքի երաժշտական դպրոցի սաները Ա. Հեքիմյանի անվան երաժշտական դպրոցի և ՀՀ կրթության, գիտության, մշակույթի և սպորտի նախարարության աջակցությամբ իրագործված Քույր դպրոցներ ծրագրի շրջանակում այցելել են Երեւանի Միքայել Միրզոյանի անվան երաժշտական դպրոց:

Սեւանի երաժշտական դպրոցի սաներն այցի շրջանակներում այցելել են Ալեքսանդր Սպենդիարյանի տուն-թանգարան: Նրանք սիրով ծանոթացել են կոմպոզիտորի կյանքին և գործունեությանը,

տպավորվել իրենց տեսածով ու ներկայացված տեղեկատվությամբ: Այնուհետ նրանք ջերմորեն են ընդունել Միքայել Միրզոյանի անվան երաժշտական դպրոցում: Սեւանցի երեխաները հանդես են եկել գեղեցիկ կատարումներով:

Անչափ կարեւորում ենք նման այցերն ու շփումները մայրաքաղաքի կամ Հայաստանի այլ շրջանների երաժշտական դպրոցների հետ, քանի որ նման հանդիպումները մեր երեխաների համար բացում են հետաքրքրությունների նոր աշխարհ, ճանաչողության նոր շրջանակ, բարեկամություն հաստատելու նոր հնարավորություններ, ու անշուշտ, նոր բան են ավելացնում նրանց գիտելիքներին:

Արմինե Ղուկասյան

ՄԵՎԱՆ ՀԱՄԱՅՆՔՈՒՄ «ԵՄ ԿԱՅՈՒՆ ԷՆԵՐԳԻԱ-2026» ԾՐԱԳՐԻ ԵՐԱՄՈՒԿՆԵՐՈՒՄ ԱՄՓՈՓՎԵԼ ԵՆ ԼՈՒՍԱՆԿԱՐԶԱԿԱՆ ԱՇԽԱՏԱՆՔՆԵՐԻ ՄՐՑՈՒՑՈՒ ԱՐԴՅՈՒՆՔՆԵՐԸ

Սեւան համայնքում շարունակվում են ԵՄ Կայուն Էներգիայի շաբաթվա նվիրված միջոցառումներն ու նախաձեռնությունները՝ «Մաքուր, անվտանգ և մրցունակ էներգետիկ միություն» խորագրի ներքո:

Ի թիվս մի շարք մրցույթների, Սեւանի համայնքապետարանի կողմից հայտարարվել էր թեմատիկ լուսանկարչական աշխատանքների մրցույթ, որի եզրափակիչ փուլ է անցել 8 լուսանկար:

Հունիսի 1-ին ամփոփվել են մրցույթի արդյունքները:

Լավագույն 2 լուսանկարները որոշվել են հանձնաժողովի կողմից, 1 լուսանկար՝ հավանումների արդյունքում:

Աշխատանքների գնահատման ընթացքում հանձնաժողովը հաշվի է առել լուսանկարների համապատասխանությունը մրցույթի թեմային, ստեղծագործական գաղափարը և գաղափարի ինքնատիպությունը:

Մրցանակային առաջին 3 տեղերը զբաղեցրած մասնակիցներին շնորհվելու են մրցանակներ:

Լավագույն լուսանկարները ներկայացվելու են ազգային մրցանակաբաշխությանը:



Լավագույն եռյակի առաջին հորիզոնականը զբաղեցրել է 8 տարեկան Անահիտ Մկրտչյանի «Գրքի էջերից դեպի ապագա» լուսանկարը, որը ստացել է ամենաշատ հավանումներ՝ 198:

Հանձնախմբի կողմից լավագույն եռյակում են Սամվել Գրիգորյան (14 տարեկան) «Արեւի անսպառ ուժի և մարդու կողմից այն խելամիտ օգտագործելու մասին» լուսանկարը և Մարի Մինասյան (15 տարեկան) «Կայուն զարգացում. մաքուր էներգիա. գյուղական առաջընթացի գունարեւիները» լուսանկարը:

Արմինե Ղուկասյան

ԳԵՂԱՐՔՈՒՆԻՔԻ ՄԱՐԶԻ ԳԱՆՁԱԿԱՆ ԳՅՈՒԴԻ ՍՈՒՐԻ ԳԵՎՈՐԳ ԵԿԵՂԵՑՈՒ ՎԵՐԱԿԱՆԳՆԱՆ ՆԱԽԱՊԱՏՐԱՍՏԱԿԱՆ ԱՇԽԱՏԱՆՔՆԵՐԻ ՄԵԿԵՆԱՐԿԸ ՏՐԱՎԱԾ Է

Գեղարքունիքի մարզի Գանձակ գյուղի Սուրբ Գեորգ եկեղեցու վերականգնման նախապատրաստական աշխատանքները մեկնարկը տրված է:

ՀՀ ԿԳՄՍ նախարարության Պատմական միջավայրի պահպանության Գեղարքունիքի մարզային ծառայությունից տեղեկացրին, որ Գանձակի Սուրբ Գեորգ եկեղեցու վերականգնման նախագծի չափագրման աշխատանքներն իրականացնելու նպատակով ՀՀ ԿԳՄՍ նախարարության Պատմական միջավայրի պահպանության ծառայության տնօրեն Արմեն Հովհաննիսյանը, տնօրենի տեղակալ Հայկ Դանիելյանը և ճարտարապետ Ամիրան Բաղիշյանը աշխատանքային այց են կատարել Գանձակ գյուղ:

Այցի ընթացքում տեղում մանրամասն ուսումնասիրվել է հուշարձանի ներկա վիճակը, քննարկվել են չափագրման և նախագծային աշխատանքներին վերաբերող հարցեր:

Ինչպես նշված է Սեդրակ Բախտուղարյանի, Դի-



վան հայ վիճագրության կողային աշխատության մեջ, թեև Գանձակում պահպանված վիճագիր արձանագրությունները մեզ հասել են՝ սկսած 16-րդ դարից, սակայն Սուրբ Գեորգ եկեղեցին իր ճարտարապետական ոճով և շինարարական տեխնիկայով պատկանում է 9-րդ դարի վերջերին կառուցված հուշարձանների խմբին: Այն նախապես ունեցել է գմբեթավոր սրահ, որի փլված կտուրը 19-րդ դարի վերջին Գանձակում վերաբնակված հայերը ծածկել են գերաններով:

Գանձակը միջին դարերում եղել է Ազարյան մելիքական տոհմի նստավայրը:

Եկեղեցու բակում կան գեղաքանդակ խաչքարեր ու տապանաքարեր: Նրա վերականգնումը ոչ միայն կնպաստի հուշարձանի պահպանմանը, այլ նաև՝ զբոսաշրջության զարգացմանը:

Խոսրով Խլղաթյան

ԳԱԳԱՐԻՆ ԳՅՈՒԴՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 7 ԾՐԱԳՐԻ Է ԻՐԱԿԱՆԱՅՎԵԼ



Գեղարքունիքի մարզի Սեւան համայնքի Գագարին գյուղում սուբվենցիոն, պետական և մասնավոր ներդրումային ծրագրերով 2018-2025 թվականներին սոցիալ-տնտեսական և կենսական նշանակու-

թյան 7 ծրագիր է իրականացվել, որոնց ուղղությամբ կատարված կապիտալ ներդրումների ընդհանուր գումարը կազմում է 1 միլիարդ 212 միլիոն 442 հազար դրամ:

Իրականացված ծրագրերից 3-ը սուբվենցիոն են՝ 357 միլիոն 712 հազար դրամ ընդհանուր արժեքով, 2-ը՝ պետական 494 միլիոն 730 հազար դրամ արժեքով, 1-ը՝ մեկը համայնքային՝ 12 միլիոն 700 հազար դրամ արժեքով և 1-ը՝ մասնավոր ներդրումային ծրագրի սուբսիդավորում՝ 360 միլիոն դրամ արժեքով:

Իրականացված ծրագրերի արդյունքում 2018-2025 թվականների ընթացքում Գագարինում կառուցվել է միջնակարգ դպրոցի մարզադահլիճը, 5470 մետր խմելու ջրատար ցանց, 1065 մետր կոյուղագիծ, 4 հեկտար ջերմատուն, 849 մետր արտաքին լուսավորության ցանց, հիմնանորոգվել են իրա-մայնքային նշանակության 3000 զծամետր ճանապարհ, 1 բազմաբնակարան շենքի տանիք:

Պետական 2 ծրագրերով կառուցվել է խմելու ջրամատակարարման համակարգը՝ 249 միլիոն 730 հազար դրամ արժեքով, Գագարինի միջնակարգ դպրոցի մարզադահլիճը՝ 245 միլիոն դրամ արժեքով, իսկ մասնավոր ներդրումային ծրագրում ջերմոցային

տնտեսության կառուցման համար տրամադրվող պետական սուբսիդիան կազմել է 360 միլիոն դրամ:

«Գեղամա աշխարհ»



**ՀԱՅԿԱԿԱՆ ԸՆՏԱՆԻՔԻ ԸՆԴՀԱՆՈՒՐ ԿԱՐԱՎՈՐ
ՀՐԱՆՑ ՄԱՌԵՎՈՍՅԱՆԻ ՄՏԵՂԾԱԳՈՐԾՈՒԹՅԱՆ ՄԵԶ**



ՆԱԽԳԻՐՆԵՐ

/սկիզբը՝ նախորդ համարներում/
Ժամանակի հոսքերը, ինչ խոսք, դիպ-
չել էին Ծանկուտին, սակայն դեռևս չէ-
ին թափանցել մինչև խորքերը: Այս-
տեղ դեռ ամեն երեւոյթ իր անունն ու-
ներ, անցանկալի իրողությունները՝
նույնպէս:

Քաղաքից գյուղ եկած Մարոն եւ նրա
դուստրերը վառ օրինակ էին գյուղի
համար: Ամոթալի էին Մարոյի բաց ծնկ-
ները, թփուտի մոտ մորի ծամելը, պա-
րանին ներքնաշորեր փռելը եւ գյուղա-
միջի անցանկապատ տունը՝ միակ ան-
ցանկապատը ամբողջ գյուղում: Ռուս-
տոմը Մարոյից չէր թաքցնում, որ նրան
«տեսնելն արդեն մեծ մեղավորություն
է», սակայն իրեն գյուղի տերն ու խնա-
մակալն էր համարում. «Հո՛ւպ, ասա-
ցինք, ո՛ւտն արա, իրենց քաղաքում քու
եղ ասածը զուցե էին, բայց մեր երկրում
են, իմ սահմանը ոտ են դրել՝ իմ ժողո-
վորդն են ու բերանդ, անմալանդ էս
տանը, մաքո՛ւր բացիր»:

Նկատենք նաեւ, որ Ռոստոմն իրեն
գյուղի տերը կարծելով՝ առաջնորդվում
է ոչ թե փառասիրությամբ կամ մեծամ-
տւոյամբ, այլ գյուղի հոգսերի ու խն-
դիրների լուծման օրհասական անհրա-
ժեշտությամբ: Նա իրեն պատասխա-
նատու է համարում գյուղի բնականոն
ընթացքի եւ նրա առաջ ծառայած խն-
դիրների լուծման համար: «Իրակա-
նում նրան առաջնորդում, գործունեու-
թյան է մղում կենսական կայուն դիրք-
որոշումը, որի հիմքը ոչ թե սպարա-
տիստական հակումներն են, - գրում է Ս.
Փանոսյանը, - այլ խորաթափանց ու
սթափ հայացքը, գլոբալ երեւոյթների
ու դրանց բացասական անդրադար-
ձումների անսխալ ճանաչումը»:

Ռոստոմը ուշադիր է նաեւ գյուղի ծե-
րունիների նկատմամբ: Հաճախ այցե-
լում է Օսեփանց ծերունազարդ պա-
պին, խնամում է հարազատի պես, տա-
լիս է իր կնոջ արդույած քառածալ
թարմ թաշկինակը, չնայած այն բանին,
որ ծերունու ամեն օրն այլեւս «կյանք
չէ՝ կոխվ է կյանքի դեմ»:

Ռոստոմը, լինելով ազնիվ մարդ, ան-
ցնորում է անազնիվների, անգամ իր եղ-
բայրների նկատմամբ, որոնք «գողին
գործակից» մարդիկ են: Նա, «դժբախտ
ավերակ» Ծանկուտի խնամակալն է,
որը սեփական դժբախտության պա-
կաս նույնպէս չունի: Ռոստոմն ու իր
կինը երկար տարիների համատեղ
կյանքում զավակներ չեն ունեցել, սա-
կայն այդքանով հանդերձ, Ռոստոմն իր
կողքին չի պահել ապօրինի որդուն,
որը հին ու ամոթալի պատմության ար-
գասիք է՝ «սպանված պրտեր ու ծնված
չպրտեր»: Ծանկուտն է նրա սիրելի
զավակն ու որդեգիրը:

Ռոստոմը ամուր կոճղ է անտառի ճա-
նապարհին, մի «զազազած շուն»
«Օտար-անհայրենիք թզուկի առաջ...
ծեր երեխեքի երկիրը քսան մանթթով
ծախում, էգուցվա օրը ծեր ժառանգին
հայրենիքից գրկում ու ասում եք՝ երե-
խեքի առաջ ենք ծառայության կանգ-
նել»: Ռոստոմը համառ ու աննահանջ
պայքարի գնով կատեցնում է գերանե-
րով ծանրաբեռ բեռնատարի անտառից
հեռանալը եւ, որքան էլ ամոթալի է Մա-
րոյի պես մեկին գյուղում ունենալը,
մինեւնոյն է, վարորդին պարտադրում է
փայտը դատարկել Մարոյի անցանկա-
պատ, անայր բակում: Չի մոռանում
նաեւ վարորդին հանդիմանել. «Էգուց
որ քիմգործարանի ծխերում երեխեքը
խաշվեն ու զրկեն Ռոստոմի անտառնե-
րը՝ մեր քննադատն այ նրանք են լինե-
լու»:

Ռոստոմը ընկերաբար է հաղորդակց-
վում երեխաների հետ, որոնց մեջ կան
նաեւ քաղաքից եկածներ: Նրանցից

մեկը նախկին ծանկուտցու որդի է, որի
հայրը քաղաքում գեներալի կոչում է
ստացել: Տղան կապվում է Ռոստոմի
հետ ընկերական սիրով եւ աշխա-
տանքների մեջ հետեւում է նրա օրինա-
կին, իսկ Ռոստոմը խոստովանում է, որ
տղայի՝ իր վարքին ու բարոյականու-
թյանը հավանություն տալը խորապես
հուզել է իրեն: Ռոստոմն ուրախանում
է, որ նոր սերունդը ընդօրինակում է
իրեն: Պարզվում է նաեւ, որ մանկահա-
սակ տղան գյուղի մասին պատմու-
թյուններ է լսել իր հորից, ինչը առանձ-
նապես շոյում է Ռոստոմի ինքնասիրու-
թյունը: Ռոստոմը լավ է ճանաչել տղա-
յի Մելիք պապին, սակայն տղայի
անունը Ֆելիքս է, Մելիք չէ նաեւ նրա
եղբայրներից եւ որեւէ մեկի անունը:
Տղան հասկանում է իր հաղորդած տե-
ղեկության ծանրությունը եւ ավելաց-
նում. «Գնդապետն իր երեխեքի համար
ուրիշ պապ է գտել՝ Ջոննիդ, Լեոնիդ,
Ֆելիքս»:

Հերոսի պայքարի մեկ այլ
դրսեւորում ուղղված է գյուղերի միա-
վորման դեմ, որի մասին հրաման են
արձակում «վերենները», իսկ զարգա-
ցման հեռանկար ունեցող գյուղերը,
«պապերի ջաղացատեղիով» հանդերձ
միաձուլվում, կորցնում են իրենց դեմ-
քը եւ բոլոր պատասխանատվությունն
ազատում հոգսերից: Գնդապետին
դուր չեն գալիս գյուղերի բնակիչների
ընդդիմադիր հայացքներն այս հարցի
առնչությամբ եւ նա կշտամբանքով
հորդորում է վերջ տալ Հովիտ, Ծնա-
կուտ «տեղական զգվողոցին»:

Ռոստոմը, ապրելով ամեն օրվա բե-
րած պայքարի բովում, գիտակցում է
իր իսկական արժեքը եւ «փառք է» հա-
մարում «համատարած գողության ու
էն մյուսի մեջ» իր դիրքերում ամուր
մնալը: Ռոստոմի ծանրակշիռ հանգա-
մանը գիտակցում եւ խոստովանում է
նաեւ նրա հակառակորդ թզուկը՝ «Իրա
նման տասը տղա լինել Ղարսը հիմա
մերն էր»:

Տերը, որի հաղթանակը Մաթեւոսյա-
նը փափագում էր ի խորոց սրտի,
պարտվում է: Գյուղը ժամանակի ըն-
թացքում համակերպվում է նոր խազե-
ինիե գոյության եւ նրա՝ գյուղի ջաղա-
ցին ու ծառին տեղ կանգնելու նախա-
ծեռնության հետ: Գյուղական պար-
զամտությամբ այդ բանի հետ համա-
ձայնում են նաեւ Ռոստոմի քույր Շուշ-
անը եւ վերջինիս որդին, իսկ Ռոստոմի
մեջ պայքարող անհաշտ ու աննահանջ
Տերը անգոր է այլեւս ինչ-որ բան փո-
խել: Այդ է պատճառը, որ վերջին տպա-
վորիչ վրձնահարվածներով Մաթեւո-
սյանը նկարագրում է գյուղի ժողովրդա-
կան զանգվածը կատաղի ուժով ճեղ-
քող, խորովածի շշերը շրջող, հյուրա-
սիրությունը գետնող Ռոստոմին: Գյու-
ղի հնազանդությունը բավական չէ,
մյուս կողմից էլ պառավի խայթոցն է
նրա հոգին ալեկոծում «քո երեք թեզ
անտառից է գտել, դու դեն գցած ես
եղել»: Թզուկը իր հյուրասիրությունը
տապալողի առաջն առնելու համար
ոչինչ չի ձեռնարկում, իսկ մյուսներին
հորդորում է՝ «թողեք տորրի, հանգա-
տանա»: Ռոստոմի վրա առանձին
տպավորություն է գործում ամբոխի
մեջ գտնվող իր ապօրինի որդին. հոր
հարձակմանը ենթարկվելիս նա ոչ մի-
այն չի վախենում, այլեւ կռվողի հոգե-
բանությամբ ընդդիմանում, առաջ է մղ-
վում:

Գյուղը նստում է հացի: Մի բուռ մնա-
ցած, մաղված, տնտեսություն առ տն-
տեսություն կողպված Ծանկուտը կուլ է
զնում «վերեններից»: Իրադարձու-
թյուններին ականատես երեխաները
չեն մոտենում այն հյուրասիրությանը,



որը, որոշ հանդարտությունից հետո,
առաջարկվում է իրենց: Գուցե թե հա-
րազատ պապերի թողած անտառի,
ջրաղացի, այգու, գոմի, հիշողության,
երազանքի, հնավանդի, արժեքավորի,
երկրի, անտառի ու որքության Տերը
պարտվում է, սակայն նրա ազնիվ եւ
նվիրված աշխատանքին հետեւող երե-
խաները՝ նոր սերունդը, թիկունք է
դարձնում դեպի օտար, ապօրինի տե-
րերը:

Ծանկուտի ավանդապահ բնակիչնե-
րը («Տաշքենդ»)

Մաթեւոսյանի ստեղծագործություննե-
րը ինքնատիպ լինելուց զատ խորն
են, ուղղված են հարցի ներքին ոլորտ-
ներին: Այս հատկանիշը բնորոշ է հատ-
կապես «Տաշքենդ» վիպակին:

Ընտանիքի ամրությունը, սերը, ջեր-
մությունը, խոհեմությունը, փոխըմբռ-
նումը Մաթեւոսյանի երկերում մշտա-
պես արծարծվող գաղափարներից են:
Այդ գաղափարները դարերի, հազա-
րամյակների ծնունդն են, որոնց կո-
րուստը նշանակում է բարոյականու-
թյան կորուստ: Մաթեւոսյանի երկերում
ակնածանքի ու գնահատանքի առար-
կաներ են հայկական ընտանիքի հա-
մակեցության սրբազան դարձած
ծեւերը: Գրողն իր շատ երկերում ցավ
ու ափսոսանք է ապրում այս արժեքնե-
րի կորստի համար: «Տաշքենդ» վիպա-
կում այս մասին խոսվում է ամենասկզ-
բից:

Վիպակը սկսվում է այն հերոսների
մասին պատմություններով, ովքեր
մարդկության պատմության բարձր ար-
ժեքներից մեկի՝ բարոյական նորմերի
պահպաններն են: Նրանց բարոյա-
կանությունը ժառանգվել է իրենց
ավագներից, իսկ իրենք ավանդելու են
իրենց կրտսերներին:

«Տաշքենդ»-ում բարոյականության
կրողներից մեկը Ջանդառն է: Նրա
տունդարձն ու շտապողական գործո-
ղությունները նվերներ բաժանելը, որ-
ձե գառ մորթելը, մեծ խանդավառու-
թյունը, սկզբում կարող են անտեղի
կամ անհասցե թվալ, սակայն չեն կա-
րող չնպատակադրված համարվել:
Ջանդառն, իր տնից եւ ընտանիքից հե-
ռու գտնվելով, խոտհարքի ժամանակ,
անբացատրելի կերպով կանխազգա-
ցել է ընտանիքի հետ տեղի ունեցող
անախորժությունը. նորատի հարսը ոչ-
խարենը տարել է արածեցնելու եւ
դրանցից քսանհինգը գողացել են:
Ջանդառն գերանդին թողել եւ ճամփա
է ընկել՝ որոնելու կորուստը: Բաճկոնի
գրպանում ընդամենը երեք ռուբլի է ու-
նեցել, թե երբվանից եւ թե ինչպես մնա-
ցած չի հիշել, առանց սննդի, այդպես
անպատրաստ, Կեչուտով ու Ղազա-
խով, Երեւան-Թբիլիսի ավտոբուսով,
մի մասը՝ ոտքով, մի մասը՝ ձիով, Հայ-
թուրքական Ոսկեպարներով անցել է
ու գտել կորուստը, ապա չորքոտանի-
ներին տեղավորել է մի բեռնատարի
մեջ եւ վերադարձրել տուն: Թեւեւ գնա-

ցել է անպատրաստ, սակայն վերա-
դարձել է պատրաստված եւ կարոտած:
Առավոտ կանուխ, երբ գյուղը դեռ
ամբողջությամբ չի արթնացել, նա կո-
րուստը եւ դեռ ավելին վերադարձրած:
Ջանդառն կնոջ՝ Սոփիլի եւ նորահար-
սի համար ծաղկավոր շալեր է բերել,
Թեւանի համար ծալովի դանակ ու ռա-
դիոյի լիցքեր, Թեւանի երեխայի հա-
մար մի մեծ կտոր հավա, գրպանի
խակ զկեռները նույնպէս Սոփիլին է
տվել եւ երեք օրվա իր ունեցած ուտե-
լիքը նույնպէս խակ զկեռ է եղել, որ
բկին է մնացել:

Որքան էլ տարօրինակ հնչի՝ Ջանդա-
ռի ընտանիքի պատմությունը դասա-
կան ընտանիքի պատմությունն է:
Իհարկե, բազմաթիվ ընդհանրություննե-
ր ու զուգահեռներ կարելի է գտնել
այս եւ Ծանկուտյան այլ ընտանիքների
միջեւ, սակայն Ջանդառն փոքր-ինչ այլ
աչքով է նայում ընտանիք հասկացու-
թյանը: Նա, ոչխարները գտնելու հա-
մար օրեր շարունակ չարչարվել է, սա-
կայն գործը հաջողելուց հետո ամեն
բան անում է, որպեսզի նորահարսը
անգամ չկռահի, թե կենդանիներն ան-
հետացել են իր առջեւից: Դրա հետ
մեկտեղ Ջանդառի տունդարձը կարո-
տած, ոգեւորությամբ, ընտանիքի հան-
դեպ երախտագիտությամբ լի վերա-
դարձ է: Գտնված ոչխարներից մի որձ
մորթելով հարազատներին հենց այս
մասին է ակնարկում: «Սա մի աշխարհ
է, - նկատում է Վ. Գրիգորյանը, - որտեղ
մարդիկ հարգում են միմյանց, ուշադիր
են ու դրա դիմաց ոչինչ չեն պահան-
ջում. դա նրանց բնական վիճակն է»:

Բնական ընթացքից չէլովելու հա-
մար Թեւիկը չի շտապում շնորհակա-
լություն հայտնել Ջանդառին, քանի որ
այս մարդկանց համար վերջինիս սերը,
ջերմությունը չտեսնված, նորահայտ
մի բան չէ, քանի որ շնորհակալությու-
նը կարող է ճիշտ չընկալվել այս միջա-
կայրում եւ օտարել Թեւիկին հարա-
զատների շրջանակից:

Ջանդառի ակտիվությունը փոխանց-
վում է նաեւ ուրիշներին, ամենքն անց-
նում են իրենց գործերին, բայց ուրա-
խությունը աստիճանաբար տեղի է
տալիս. «Ջանդառի աչքերը լցվեցին,
Ջանդառն օրիորդի պես լաց եղավ»:
Սա իր պատճառն ունի: Ջանդառն, ինչ-
պես ասացինք, ճանապարհի կեսը ձի-
ով է անցել, ձին ծանկուտցի Սիմոնին
է եղել, սակայն Ջանդառն ստիպված է
եղել արձակել կենդանուն՝ չիմանալով
նրա հետագա ճակատագիրը: Հոգու
խորքում հույս է տածել, որ ձին ճանա-
պարհը կհիշի, ինքնուրույն դուրս կգա
ծորից եւ կհասնի իր տիրոջը: «Ձին,
հասկանում ենք, ամեն տեղ ձի է (Ղա-
զախի ու Կենտրոնի մորթարանները
մոռանանք), բայց մեր սիրտը մի քիչ
թուլանում է՝ երբ մեր Ծանկուտի ձիե-
րին, տղերքին, գնացած աղջիկներին,
վաճառված կովերին, աստուռ գառնե-
րին պատկերացնում ենք օտարության
մեջ, կարծում ենք նրանք բոլորն էլ մեզ
նման կարոտ ու տխրություն ունեն,
օտար իրիկվա մեջ կանգնում են ու
լացները գալիս է»: Ձին իսկապես
դուրս է եկել ծորից, գնացել ու հասել է
իր տիրոջը, ինչը Ջանդառն գնահա-
տում է իրեն հոգեհարազատ տեսանկ-
յունից՝ հայրենիքն ուրեմն քաշել, էն
ծորից հանել է: Ջանդառի մտահոգու-
թյունն առհասարակ մեծ է այն ամենի
շուրջ, ինչը Ծանկուտին է, հայրենա-
կան է, սրտամոտ է:

**/շարունակելի/
Ռուզան Վարդանյան**


ՄԱՐՏՈՒՆԻ ԲԱՂՎԻ ԶԱՐԵՆՑ ՓՈՂՈՑԻ ՀԻՄՆԱՆՈՐՈԳՄԱՆ ԱՇԽԱՏԱՆՔՆԵՐՆ ԱՎԱՐՏՎԱԾ ԵՆ

Գեղարքունիքի մարզի Մարտունի քաղաքի
Զարենցի փողոցում ՀՀ կառավարության կող-
մից 2025 թվականին իրականացվող սուբվենցի-
ոն ծրագրերի շրջանակներում արդեն ավարտ-
վել են հիմնանորոգման աշխատանքները:

Ինչպես տեղեկացրին Մարտունու համայնքա-
պետարանի աշխատակազմից, ծրագրի շրջա-
նակներում ասֆալտապատվել է փողոցի
երթեւեկելի մասը, 435 գծամետր երկարությամբ
կառուցվել ու սալարկվել երկկողմանի մայթերը:

Զարենցի փողոցի մայթերի կառուցման ու սա-
լարկման ծրագրի պայմանագրային արժեքը
կազմում է 27 միլիոն դրամ, որի 65 տոկոսը
հատկացնում է ՀՀ կառավարությունը, 35 տոկո-
սը՝ Մարտունիի համայնքապետարանը:

Զարենցի փողոցի երթեւեկելի մասի հիմնանո-
րոգման ծրագրի պայմանագրային արժեքը



կազմում է 42 միլիոն դրամ, որի 50 տոկոսը
հատկացնում է ՀՀ կառավարությունը, 50 տո-
կոսը՝ Մարտունիի համայնքապետարանը:
Երկկողմանի մայթերը կառուցվել են շուրջ
1087 քմ մակերեսով, իսկ ճանապարհի
երթեւեկելի մասն ասֆալտապատվել է 435
գծամետր երկարությամբ եւ շուրջ 3045 քմ մա-
կերեսով: Տեղադրվել է նաեւ միակողմանի
ջրահեռացման համակարգ:

Ծրագրի իրականացման արդյունքում Մար-
տունի քաղաքի Զարենցի փողոցի բնակիչներն
արդեն օգտվում են ժամանակակից, բարե-
կարգ, ասֆալտապատ ճանապարհից ու սա-
լարկված մայթերից:

«Գեղամա աշխարհ»



Ի՞նչ էր սերը ինձ համար: Եր... Մարդու հոգին, բառերի տեսքով դեռ ոչ մի բացատրություն չի տվել թե ինչ է սերը: Բոլորը գիտեն թե դա ինչ է, բայց ոչ բոլորն են զգացել: Շատ բարձր են զգացել սերը... Շատ հիվանդանոցների պատեր են զգացել սերը... Շատ գերեզմանաբարեր են զգացել սիրո կարոտը:

Դու որտեղի՞ց գիտես այս մասին մամ, սրա մասին չպետք է խոսի մարդու, ունի հիասքանչ ամուսին:

Յիմա ես ամուսնացած եմ, բայց կյանքում ամեն ինչ այդքան հեշտ տեղի չի ունենում, ապրեցի, մի ողջ կյանքում ունեցա բազում հարցեր, երազանքներ, նպատակներ, փորձություններ, երջանիկ պահեր եվ երջանիկ պահերի կարոտ: Ավելի լավ է ես քեզ պատմեմ իմ առաջին սիրո պատմությունը, որը ինձ շատ բան սովորեցրեց:

Այսպես մի օր, երբ խարուկի դիմաց մայր ու աղջիկ նստած էին, մայրը որոշեց պատմել նրան մի պատմություն, որը ապրում էր նրա սրտում...

Ո՞վ էր նա: Իմ հոգին... Իմ շունչն ու իմ երազանքը: Իսկ ո՞վ էի ես: Իմ կարծիքով մի լճակ, նրա համար մի օվկիանոս: Նա հաճախ ասում էր «թող բոլորը մտածեն, որ դու բարդ մարդ ես: Օվկիանոսը երբեք ներողություն չի խնդրում իր խորությունը համար: Ենթադրյալով թուրք էր, ես հայ, նրա միջոցով ես հասկացա, որ միշտ չէ թշնամին թշնամի, կամ ընկերը ընկեր: Սկսեմ ամենակզբից:

Ես դեռ շատ փոքր էի, երբ մեր գյուղում սկսվեց պատերազմ, այդ օրը ես երբեք չեմ մոռանա, ավելի ճիշտ այդ տեսարանը, բոլորը փախչում էին... ցավ եմ ապրում այդ ամենը հիշելով: Մեր հայրենիքը մեր մայրն է եվ միգրացե այն ուրախ կլինի, եթե մենք մահից

փրկվենք, բայց որքան հպարտ կլինի երբ տեսնի, որ ծնել է քաջ որդիներ, որդիներ, ովքեր մինչև վերջ իր մոր ձեռքը բռնեցին, որդիներ, ովքեր մորը մեռնելուց չթողեցին... Այդ օրը մենք տեղափոխվեցինք մոր քաղաք, ամեն օր ես տեսնում էի դեմքեր, որոնք պատերազմ չեն տեսել, չեն զգացել «վերջ»-ի վախը: Ու ես որոշեցի դառնալ զինվոր, որպեսզի ուրիշները մնան անտեղի պատերազմի մասին: Իհարկե ես աղջիկ էի, բարդ էր լինելու, սակայն մոր ծնված երազանքը ես կոտրել անկարող էի:

Ես ավարտեցի ուսումն` կարծես փակելով մի դուռ, որի հետևում մնաց մանկությունս: Բայց այդ դռան ճեղքերից դեռ մերս էր սողում հիշողությունների փոշին` նույն ծայերը, նույն վախը, նույն անհասկանալի ծանրությունը: Շուտով հազա զինվորի համազգեստը. այն ծանր էր ոչ թե կտորից, այլ պատասխանատվությունից:

Տարիները անցան: Ձեռքերս սովորեցին գնդի լեզուն, աչքերս` վտանգը կարդալ առանց բառերի: Ես այլևս այն աղջիկը չէի, որ մի ժամանակ հեռվից էր լսում պայթյունների արձագանքը: Ես դարձել էի վարպետ` ոչ թե միայն կրակելու, այլ ապրելու այդ խավարի մեջ:

Եվ ահա` պատերազմը մորից վերադարձավ:

Նույն հոտը օդում: Նույն մոխրագույն երկինքը: Նույն սառնությունը մարդկանց հայացքներում: Կարծես ժամանակը փակ շրջան լինել, ես ես քայլում էի նույն տեղերով, բայց այլ կերպ: Ես օգնեցի ժողովրդին` դուրս բերելով նրանց կրակի միջից, ձեռքերը բռնելով, երբ հողը փվում էր ոտքերի տակ: Բայց միեւնույն ժամանակ իմ ներսում մի ուրիշ բան էր աշխատում` սառը, ճշգրիտ, անխափան: Ես շարժվում էի առաջ, խոցում թշնամուն` առանց ավելորդ մտքի: Աջ ու ձախ` աղաղակներ, փոշի, արյան բույր, որ խառնվում էր վառվող փայտի հոտին: Մի պահ` նշան բռնեցի:

Փամփուշտը կտրվեց լուծությունից եւ հասավ իր հասցեին:

Նա ընկավ, բայց չնաց տեղում: Սողոսկեց մոտակա տներից մեկի ներսը` կարծես վերջին հույսը բռնելով պատերի մեջ: Ես կանգ չառա:

Դռան առաջ մի պահ լռեցի: Արտաքին աղմուկը կարծես մարեց, եւ մնաց միայն իմ շնչառությունը` ծանր:

Ես ներս մտա: Ես տեսա նրա հայացքը: Վախ կար այնտեղ` մաքուր, անպաշտպան, այնպիսի, ինչպիսին լինում է մարդու աչքերում, երբ նա կանգնած է եզրին: Բայց այդ վախի խորքում ես հանկարծ նկատեցի մի բան, որ ինձ կանգնեցրեց. կյանք: Նույն կյանքը, ինչ

իմ մեջ էր:

Ձեռքս ծանրացավ գնդի վրա: Մի պահ հասկացա` նա էլ ինչ-որ մեկի համար տուն է, հենարան, սպասված վերադարձ: Եվ այդ պահին իմ բոլոր երազանքները, որոնք կարծես փայլում էին հերոսության լույսով, ուրիշների համար վերածվեցին թախծի, կորստի, դատարկության:

Ես չկարողացա:

Մտքերս բախվում էին իրար, ինչպես կրակոցները` դրսում: Ի՞նչ տարբերություն կա մեր միջեւ, եթե հիմա սպանեմ նրան... Ես իջեցի գնդը:

Մոտեցա: Առաջին օգնություն ցույց տվեցի ձեռքերով արագ, բայց ներսում` ծանր: Նրա շունչը խզվող էր, բայց դեռ կար: Ժեստերով հասկացրի` սպասել ինձ, չշարժվել: Նա գլխով թույլ նշան տվեց: Մոտ իմ տարիքին էր` նույնքան երիտասարդ, նույնքան վաղ ընկած այս մղձավանջի մեջ:

Ես դուրս եկա, դուռը փակեցի, կարծես փակելով այդ պահը աշխարհից:

Եվ վերադարձա դեպի աղմուկը` դեպի մարդիկ, որոնց պետք էր օգնել:

Այո, ես հմուտ զինվոր էի դարձել: Բայց այդ օրը հասկացա` կյանքը պաշտպանելը ավելի դժվար է, քան կյանք կործանելը:

Երբ ամեն ինչ մի փոքր հանդարտվեց, ես վերադարձա նույն տունը:

Ժամանակը շատ չէր անցել, բայց թվում էր մի ամբողջ կյանք:

Նա դեռ կենդանի էր:

Ես նրան գաղտնի տեղափոխեցի, տարա այնտեղ, որտեղ աչքեր քիչ էին, հարցերը` ավելի քիչ: Դեռտ` ապահով ճանապարհով` հիվանդանոց: Նամակներ թողեցի` լուռ, առանց անունի, միայն խնդրանքով ու գումարով. «օգնեք նրան»: Ժեստերով նրան հասկացրի լել, ոչինչ չասել:

Մի ամիս անց, արձակուրդի ընթացքում, ես վերադարձա:

Նա ապաքինվել էր:

Հասցեն գտնելը դժվար չէր: Երբ մոտեցա, դուռը բացեց ինքը: Մի պահ երկուսս էլ լռեցինք: Ժամանակը կարծես կանգ առավ, ինչպես այն օրը` դռան առաջ:

Նրա աչքերում այլևս վախ չկար: Փոխարենը` մի բան, որ ավելի բարդ էր հասկանալ: Նա հասկացավ: Ես էլ հասկացա:

Մենք խոսքեր չունեինք` լեզուներն ուրիշ էին, բայց լուծությունը մեզ համար դարձավ կամուրջ: Նա ձեռքը տարավ սրտին, ապա` թեթեւ խոնարհվեց: Ես նույնը արեցի:

Այդ պահին պատերազմը կարծես հեռացավ:

Մնացինք մենք` երկու մարդ, որոնք կարող էին լինել թշնամի... Բայց ... բայց...

Նա ներս հրավիրեց: Ես մի պահ տա-

տանվեցի, հետո անցա շենք: Տունը խաղաղ էր, պատուհանից լույս էր թափվում հատակին: Սեղանի վրա դրված էր թեյ: Նա ցույց տվեց` նստեմ: Սովորել էր մի փոքր հայերեն, աշխատում էր, հավաքում էր գումար, որպեսզի վերադառնար հայրենիք... Երիտասարդի անունը` Եմիր էր: Այդ անունը սկզբում պարզապես հնչյուն էր` մի մարդ, ում ես փրկել էի, ում թողել էի կենդանի մնալու իրավունքը: Բայց ժամանակի ընթացքում այդ հնչյունը դարձավ դեմք, հետո` հայացք, հետո` մի ամբողջ աշխարհ, որտեղ ես սկսեցի վերադառնալ ամեն անգամ, երբ պատերազմը լուծվեց:

Մենք ընկերացանք: Սկզբում` զգուշությամբ, լուծությունների մեջ կառուցված խոսքերով: Դեռտ` ավելի ազատ, ավելի մարդկային: Այդ ընկերությունը, որը ծնվել էր ցավի ու պատահականության միջից, տարիների ընթացքում դարձավ մի բան, որ ես այլևս չէի կարող անուն տալ միայն ընկերությունե բառով: Այդ շփումների մեջ ամեն ինչ ուներ իր լույսը, իմաստը: Կարծես ժամանակը դանդաղել էր մեր շուրջը, որպեսզի մենք հասցնեք զգալ այն, ինչ սովորաբար մարդիկ կորցնում են վազքի մեջ: Ես լցվեցի նրա հանդեպ սիրով` խոր, լուռ, աննկատ առող սիրով, որը չի աղմկում, բայց ներսում փոխում է ամեն ինչ:

Եվ տարիներ անց` Եմիրը հիվանդացավ:

Սկզբում ոչ ոք չէր ուզում հավատալ, որ դա կապված է անցյալի հետ: Բայց հետո պարզվեց` այն վերքը, որը ես ժամանակին թողել էի նրա մարմնում, իր հետքը թողել էր տարիների խորքում:

Մեկ շաբաթ անց պետք է օպերացիա լիներ: Օպերացիա, որի ծախսողունը նշանակում էր վերջ: Ես էի դռնորդ լինելու:

Եվ հենց նույն օրը` սահմաններից եկավ լուր. թշնամիների հարձակում:

Ես կանգնած էի երկու աշխարհի միջև:

Մի կողմում` մարտադաշտը, որտեղ իմ ներկայությունը պարտադիր էր:

Մյուս կողմում` հիվանդանոցը, որտեղ մի մարդ սպասում էր, եւ որտեղ իմ արյունը կարող էր նշանակել նրա կյանքը:

Ես պետք է հասնեի ժամանակին: Ես պարտավոր էի:

Հասկացա` եթե դռնոր չլինի հիմա, հետո կարող է արդեն ուշ լինել` չափազանց ուշ:

Բայց նաեւ գիտեի` եթե չգնամ, այնտեղ կմեռնեն ուրիշներ:

Ես շարժվեցի դեպի մարտադաշտ, դեպի կրակոցներ:

Մարիաննա Խաչիկյան
Փավառի Ավ Իսահակյանի անվան
թիվ 4 միջնակարգ դպրոց,
8-րդ դասարան

ՄԱՐՏՈՒՆԻ ՀԱՄԱՅՆՔԻ ԲՈԼՈՐ ԲՆԱԿԱՎԱՅՐԵՐԸ ՀԱՐՍՏԱՅԵԼ ԵՆ ԴԵԿՈՐԱՏԻՎ ԵՄԱՍՏԵՄԱԿՆԵՐՈՎ

Մարտունի համայնքի 17 բնակավայրերում ավարտվել են 2026 թվականի ծառատնկման միջոցառումները, որոնց մեկնարկը տրվել էր մայիս ամսից:

Ինչպես տեղեկացրին Մարտունու համայնքապետարանի աշխատակազմից, Մարտունի քաղաքում, Արծվանիստ, Ծովինար, Վարդենիկ,

Չուլաքար, Աստղածոր, Վաղաշեն, Գեղիկոյն, Մադինա, Վերին Գետաշեն, Ներքին Գետաշեն, Լիճք, Ծակքար, Ծովասար, Չորագյուղ, Վարդածոր եւ Երանոս գյուղերում գործող համայնքային ոչ առևտրային կազմակերպությունների եւ վարչական կենտրոններին են բաշխվել 1.213 տոննու, 1.103 տոննու եւ 764 հացնու տնկիներ:

Ընդհանուր առմամբ, Մարտունի համայնքի բնությունը հարստացել է 3080 նոր տնկիներով: Դրանք հիմնականում տնկվել են վարչական գրասենյակների, կրթական ու ատժողոջանային հիմնարկների բակերում, հուշարձանների տարածքներում եւ խնամվում են համապատասխան կառույցների կողմից,` ցնչեցին Մարտունու համայնքապետարանի աշխատակազմից:



Լրատվական գործունեություն իրականացնող «Գեղարքունիք» թերթի խմբագրություն» ՓԲԸ: Հասցեն` ք. Գավառ, Կենտրոնական հրապարակ 7
Էլ.հասցե` khosrov1@yandex. ru
Գլխավոր խմբագիր` Խոսրով Խլղաթյան
հեռ. բջջ. 094022692

ԱՐՓՈՒՆԲՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 7 ԾՐԱԳԻՐ Է ԻՐԱԿԱՆԱՑՎԵԼ

Գեղարքունիքի մարզի Վարդենիս համայնքի Արփունք գյուղում սուբվենցիոն եւ պետական ծրագրերի շրջանակներում 2018-2025 թվականների ընթացքում սոցիալ-տնտեսական եւ կենսական նշանակության 7 ծրագիր է իրականացվել, որոնց ուղղությամբ կատարված կապիտալ ներդրումները կազմել են 1 միլիարդ 425 միլիոն 957 հազար դրամ:

Իրականացված ծրագրերից 6-ը սուբվենցիոն են 174 միլիոն 699 հազար դրամ ընդհանուր արժեքով, 1-ը` պետական 1 միլիարդ 251 միլիոն 258 հազար դրամ արժեքով:

Իրականացված ծրագրերի արդյունքում Արփունքում 2018-2025 թվականների ընթացքում կառուցվել է 6875 մետր խմելու, 3000 մետր ոռոգման ներքին ու արտաքին ջրատար ցանցեր, 3640 մետր արտաքին լուսավորության ցանց, ընթացքի մեջ է արդի չափորոշիչներին համապատասխան 144 տեղանոց կրթահամալիրի կառուցումը:

Արփունքի կրթահամալիրը կառուցվում է ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, պետությունից միջոցներով, 1 միլիարդ

251 միլիոն 258 հազար դրամ պայմանագրային արժեքով: Կրթահամալիրի կազմում կլինի նաեւ 80 տեղանոց մանկապարտեզի շենքը:

Շինարարական աշխատանքները մեկնարկել են 2025 թվականի մարտ ամսից եւ կավարտվեն 2027 թվականի փետրվարին: Շինարարական աշխատանքները 2026 թվականի հունիսի 10-ի դրությամբ իրականացվել են շուրջ 60 տոկոսով:

